



Small red-bordered label with faint text, possibly a library or collection mark.

服部文庫  
117  
1



117  
177  
/

郎完白先生註釋

# 古周禮

合考工記 堂策檻藏板

## 古周禮序

馮翼惟像陰陽三合幹維  
 焉繫八柱何當命官倫勤  
 鳧鳧實實爰日月隣精河  
 山沕炁金石鑿骨冰雪浚

序

操風雷。初膽聘道軌。致纂  
綵耀熙。徽沐壽榮。鳴天球。  
薦黃目。厥禮厖鴻。循蜚因  
提世次。荒邈官紀。冥諸禪  
通哉紀女。希龍石年。天軒  
轅雲少昊。鳥舉龜純。矯天  
獨斗祥。燄昌光。喬卿長。離  
瑞翔。盡繪道德。文章化變  
不儘。遂古冲漠。意顯頊載  
民事命官。陶唐立百揆。四

岳州牧侯伯有虞立后稷  
士共工虞秩宗典樂納言  
夏后氏置六卿官百殷制  
六大五官六府六工屬二  
百曷逸四代禮曰壁經四  
代禮略文周集成四代禮  
屬其間讀汲冢書成周會  
墀上張赤奕陰羽堂下右  
唐公虞公左殷公夏公前  
代曠祀逸不書堂上左唐

叔荀叔堂下東郭叔內臺  
北方應侯瓜瓞振繩蹟不  
書阼階南祝淮氏榮氏異  
姓藉藉繁不書臺外稷慎  
歐人渠叟樓煩禹禹鹿鹿  
譎幻不書官令籥載曰太  
宰卑逮宰夫冪人曰司徒  
卑逮擇人委人曰宗伯卑  
逮箠人占夢曰司馬卑逮  
趣馬貉隸曰司寇卑逮蝸

氏司。武曰司空。卑逮橐人  
肆長。凡屬三百六十官。義  
定。或曰官官也。曷名禮禮  
一官也。曷冠官。曰掄揆量  
輿詰陳讞。桁省噐。登降進  
反胥橐。禮維禮括。或曰冬  
官闕諸。曰匪闕。設監琢皿。  
典饜役力。將作董事。五官  
受成錯現。五相雜。曰文俞  
氏何氏。割司徒。如職方封

人稻人。割宗伯。如司服典。  
臬。割司馬。如弁師。司弓矢。  
紕纍舉。向匪掛。一茲漏五。  
不女媧媿康回。繹記考工。  
踔絕。登閔襄周。金匱籀篆。  
玄同接嚴賓。後逢好友鼓。  
掌矜射覆。快哉斯譚。或曰。  
古制子道。纚纚羸。劉後損。  
益媿舛。曷抵掌語。曰。羸政。  
署御史黃門。振喉舌。漢武。


署五經博士。新莽署郡國  
學官。晉祭酒。貞觀史館脩  
撰煥簡籙。開元十道按察  
使廉懣悞。益官斯禪。羸政  
署中常侍。釀望夷。漢獻署  
度支奉擘塢。唐中宗署經  
略節度。胎藩鎮。僖宗署都  
指麾。起點檢。益官維歷。或  
曰。子縷官制。塢閩。學禮功  
閩。曷數諸。曰。魏文侯老樂



工存春官樂章一。河間獻  
王購周官五篇一。劉歆補  
考工一。杜子春通讀一。衆  
達融玄注箋又一。或曰荆  
公禮債云何。曰京卞惠卿  
周官蝼蝻青苗愜愜姬公  
憤怒法債人么。家何數。  
維完白先生復古周禮拓  
經國指南。芥乎買哉。俞何  
頰首。荆公解嘲樂工吹篳。


子春諸儒初號天目山樵  
矚周官威儀鰓鰓注簡末  
天啟柔兆攝提格日在東  
井三十四洞天兩峰主  
人張堯翼幼青篋於桂

星查



序

九



星查

序周禮廢典

唐賈逵公彥撰

周公制禮之日禮教興行後至幽王禮義紛亂故孔子云諸侯專行征伐十世希不失鄭註云亦謂幽王之後也故晉侯趙簡子見儀皆謂之禮孟僖子又不識其儀也至於孔子更修而定之時已不具故儀禮註云後世衰微幽厲尤甚禮樂之書稍稍廢棄孔子曰吾自衛反於魯然後樂正雅頌各得其所謂當時在者而復重雜亂者也惡能存其亡者乎至孔子卒後復更散亂故藝文志云昔仲尼沒微言絕七十三

古周禮

賈序

堂策

弟子喪而大義乖諸子之書紛然散亂至秦愚之乃燔滅文章以愚黔首又云禮經三百威儀三千及周之衰諸侯將踰瀆度惡其害已滅去其籍自孔子時而不具至秦大壞漢興至高堂生博士傳十七篇孝宣世后倉最明禮戴德戴聖慶普皆其弟子三家立於學宮案儒林傳漢興高堂生傳禮十七篇而魯徐生善爲容孝文時徐生以容爲禮官大夫而瑕丘蕭奮以禮至淮陽太守孟卿東海人也事蕭奮以授后倉后倉說禮數萬言號曰后氏曲臺記授戴德戴聖鄭云五傳弟子則高堂生蕭奮孟卿后倉戴德戴聖是爲五也此所傳者謂十七篇卽儀禮也周官孝武之時始出祕而不傳周禮後出者以其始皇特惡之故也是以馬融傳云秦自孝公以下用商君之灋其政酷烈與周官相反故始皇禁挾書特疾惡欲絕滅之搜求焚燒之獨悉是以隱藏百年孝武帝始除挾書之律開獻書之路旣出於山巖屋壁復入于祕府五家之儒莫得見焉至孝成皇帝達才通人劉向子歆校理祕書始得列序著于錄略然亡其冬官一篇

以考工記足之時衆儒並出共排以爲非是唯歆獨  
識其年尚幼務在廣覽博觀又多銳精於春秋末年  
乃知其周公致太平之迹具在斯奈遭天下倉卒兵  
革並起疾疫喪荒弟子死喪徒有里人河南綏氏杜  
子春尚在永平之初年且七十家于南山能通其讀  
頗識其說鄭衆賈逵徃受業焉衆逵洪雅博聞又以  
經書記轉相證明爲解達解行於世衆解不行兼攬  
二家爲備多所遺闕然衆時所解說近得其實獨以  
書序言成王既黜殷命還歸在豐作周官則此周官  
也失之矣逵以爲六卿大夫則冢宰以下及六遂爲  
十五萬家緝千里之地甚繆焉此比多多吾甚憫之  
久矣六卿之人實居四同地故云緝千里之地者誤  
矣又六卿大夫冢宰以下所非者不著又云多多者  
如此解不著者多又云至六十爲武都守郡小少事  
乃述平生之志著易尚書詩禮傳皆訖惟念前業未  
畢者唯周官年六十有六目瞑意倦自力補之謂之  
周官傳也案藝文志云成帝時以書頗散亡使謁者  
陳農求遺書于天下詔光祿大夫劉向校書經傳諸

子詩賦向輒條其篇目撮其指意錄而奏之會向卒  
哀帝復使向子歆卒父業歆于是總羣書奏其七略  
故有六藝七畧之屬歆之錄在於哀帝之時不審馬  
融何云至孝成皇帝命劉向子歆考理祕書始得列  
序著於錄略者成帝之時蓋劉向父子並被帝命至  
向卒哀帝命歆卒父所脩者故今文乖理則是也故  
鄭玄序云世祖以來通人達士大中大夫鄭少贛名  
興及子大司農仲師名衆故議郎衛次仲侍中賈君  
景伯南郡大夫馬季長皆作周禮解詁又云玄竊觀  
二三君子之文章顧省竹帛之浮辭其所變易灼然  
如晦之見明其所彌縫奄然如合符復析斯可謂雅  
達廣攬者也然猶有參錯同事相違則就其原文字  
之聲類考訓詁措祕逸謂二鄭者同宗之太儒明理  
于典籍猶識皇祖大經周官之義存古字發疑正讀  
亦信多善徒寡且約用不顯傳於世今讚而辨之庶  
成此家世所訓也○其名周禮爲尚書周官者周天  
子之官也書序曰成王既黜殷命滅淮夷還歸在豐  
作周官是言蓋失之矣案尚書盤庚康誥說命秦誓

之屬三篇序皆云某作若干篇今多者不過三千言  
又書之所作據時事爲辭君臣相誥命之語作周官  
之時周公又作立政上下之別正有一篇周禮乃六  
篇文異數萬終始辭句非書之類難以屬之時有若  
茲焉得從諸又云斯道也文武所以綱紀周國君臨  
天下周公定之致隆平龍鳳之瑞然則周禮起于成  
帝劉歆而成於鄭玄附離之者大半故林孝存以爲  
武帝知周官末世瀆亂不驗之書故作十論七難以  
排棄之何休亦以爲六國陰謀之書唯有鄭玄徧覽  
羣經知周禮者乃周公致太平之迹故能答林碩之  
論難使周禮義得條通故鄭氏傳曰玄以爲括囊大  
典網羅衆家是以周禮大行後王之濶易曰神而化  
之存乎其人此之謂也

之亦平其人此之階也

典隆羅來家長以風顛大許給王之數易曰惟正必  
備職勤風顛美辭新亟效禮升幹曰立以爲計彙大  
章聳映風顛者八風公姓太平之表姑治谷林賦之

周禮舊序

宋王安石撰

士弊於俗學久矣。聖上閱焉以經術造之，乃集儒臣  
訓釋厥旨，將播之校學。而臣某實董周官，唯道之在  
政事，其貴賤有位，其後先有序，其多寡有數，其遲速  
有時，制而用之，存乎法；推而行之，存乎人。其人足以  
任官，其官足以行法，莫盛乎成周之時，其法可施於  
後世，其文有見於載籍，莫具於周官之書，蓋其因習  
以崇之，庚續以終之，至於後世，無以復加，則豈特文



武周公之力哉猶四時之運陰陽積而成寒暑非一日也自周之衰以至於今歷歲千數百矣太平之遺跡掃蕩幾盡學者所見無復全經於是時也乃欲訓而發之臣誠不自揆然知其難也以訓而發之之爲難則又以知夫立政造事追而復之之爲難然竊觀其上致法就功取成於心訓迪在位有馮有翼亶亶乎鄉六服承德之世矣以所觀乎今攷所學乎古所謂見而知之者臣誠不自揆妄以爲庶幾焉故遂昧冒自竭而忘其材之弗及也謹列其書爲二十有三

卷凡十餘萬言上之御發副在有司以待制詔頒焉

謹序

對

卷之三 禮記 禮記卷之三 禮記卷之三 禮記卷之三 禮記卷之三

三禮敘錄

元臨川吳澂撰

周官六篇其冬官一篇闕漢藝文志序列於禮家後  
人名曰周禮文帝嘗召至魏文侯時老樂工因得春  
官大司樂之章景帝時河間獻王好古學購得周官  
五篇武帝求遺書得之藏於祕府禮家諸儒皆莫之  
見哀帝時劉歆校理祕書始著於錄略以考工記補  
冬官之闕歆門人河南杜子春能通其讀鄭眾賈逵  
受業於杜漢末馬融傳之鄭玄鄭玄所注今行于世

古周禮 吳序 禮記

宋張子程子甚尊信之王文公又爲新義朱子謂此  
經周公所作但當時行之恐未能盡後聖雖復損益  
可也至若肆爲排紙訾毀之言則愚陋無知之人耳  
冬官雖闕今仍存其目而考工記別爲一卷附之經  
後云

古周禮闕冬官辨

明武進徐常吉撰

周禮闕冬官漢儒以考工記補之蓋惜其書之未完  
而爲是綴緝之計雖不免續貂之誚而於聖人之全  
經猶爲無害近世俞庭樞乃以爲冬官特散見於五  
官之內而未嘗闕遂掇取五官之屬而用以補冬官  
之闕妄憑胸臆割裂聖經殆所謂周公之罪人夫周  
禮一書聖人用意深遠精密其設一官分一職卽如  
府史胥徒之賤酒醴鹽醬之微好用匪頒之末分布

聰屬靡不各有意義而欲於其中任意割裂以相補  
塞則此足而彼虧矜提而肘見是昔猶冬官之缺而  
今則五官之俱闕也昔周禮雖缺而猶全而今則雖  
補而實亡也其爲聖經害也大矣曰然則何如愚以  
爲周禮者周公未成之書而冬官之缺不可補亦不  
必補也何以見周禮爲未成之書考之書傳周公一  
年救亂二年伐商三年踐奄四年建侯衛五年營成  
周六年制禮作樂七年致政成王又周官序云成王  
黜商滅淮夷還歸在豐作周官蓋周公自一年輔政  
而有流言之變及鴟鵂之詩作金縢之書啓而後交  
衣東歸始與破斧缺斨之役管蔡平而卜洛以遷殷  
頑公於是遂有明農之志矣當殷頑弗靖之時淮夷  
徐戎實相連結公之歸政淮夷尚未剋平至成王卽  
政巡侯甸始伐淮夷則所謂滅淮夷還歸在豐當在  
公致政七年之後至是而作周官前此雖云制禮作  
樂而周家一代之典尚未定也則所謂周禮者乃周  
公預擬之以待他日之用若唐之顯慶開元禮初未  
嘗見之行事愚故曰未成之書也所以九畿之制不

與禹貢合封國之制不與武成孟子合建都之制不與洛誥召誥合設官之制不與周官合則以其未及見之行事故耳不然使其已見之行事則何公歸政之後成王乃又有周官之作也愚故曰周禮周公未成之書也夫以公之所未成者而後之人遽以已之胸臆補之噫亦妄矣僭矣

古周禮釋評舊敘

明宛陵孫攀撰

蓋先王之易海內其灋莫備於周而勒為成書則周禮也六典建官雲龍而下倫要章矣中若九夫經塗則黃帝之井牧九畿分國則禹貢之刑服五刑麗民則禹舜之象刑大而天地幽而鬼神遠而夷狄微而昆蟲草木無不為之經畫即焚鞠沈棹之屬亦或有精意存焉厄經秦火至漢惠帝除挾書律迺有上周官五篇得諸煨燼之餘失冬官一篇河間獻王購以

千金不可得其後劉向子歆遂以考工記補之鄭康成註五官唐賈公彥之疏因之六典竟弗備宋程朱大儒雖嘗亟稱然亦未有折衷臨川俞壽翁庭椿始著復古編謂冬官不亡雜出五官中耳永嘉王次點因之作周禮訂註元清源丘氏吉甫臨川吳氏幼清又因之各有考註

國朝盱江何司寇復加易置有周禮集註行世雖皆若於六官無缺而互相甲乙未必皆聖經之初底也晉安柯氏又以地官遂人而下屬於冬官爲周禮全經釋原黜秋官砮蒺氏剪氏赤芟氏爛氏壺涿氏庭氏六官於考工記而考工記不入其書然鄉屬司徒而遂屬司空抑又諄矣考工記特以記語而諸君子不附於經則輪輿挑冶弓車廬梓諸人果可廢耶夫周禮者鄭康成謂周公致太平之跡王仲淹謂周公運用天理熟爛之書唐太宗以爲真聖人作則無論冬官之逸與不而周公之心蘊可覩矣王介甫誤用以基宋禍胡氏父子遂力詆周禮非周公之書豈非過歟曩我

世宗皇帝嘗先輔臣之請命天下棘園策士用周禮一道蓋欲俾之家傳人誦爛習於儀軌也獨不可欽遵德意而究心矣乎朱朱周翰氏依鄭本為句解猶有未備竊自忘固陋釐益成帙徧閱諸家黜者逆之還納者送之返釋而評之便考鏡爾即未能備一鑿於周鼎而愚者千慮或有諒焉估俾之士儻不屑覘覽謂非羔雉所急乎則以覆瓿亦宜

三疏名儒

漢

杜子春

河南人

鄭興

字少憇河南人

鄭眾

字仲師鄭興子為司農

鄭玄

字康成河南人

唐

崔靈恩

梁明威將軍

賈公彥

諱建

古周禮

姓氏

三

堂策禮

孔穎達 字仲達孔子裔

宋

李觀 字太伯荊江人

王安石 字介甫臨川人

程顥 字伯淳明道先生河南人

程頤 字正叔伊川先生河南人

張載 字子厚橫渠先生

王昭島 字光遠臨川人

劉彝 字執中長樂人

林之奇 字少穎三山人號拙齋

史浩 字直翁鄞人

胡安國 字康侯衡山人

王十朋 字龜齡號梅溪樂青人

周必大 字子充廬陵人

朱熹 字元晦晦庵先生新安人

呂祖謙 字伯恭號東萊婺州人

陳傅良 字君舉號止齋永嘉人

鄭樵 字漁仲莆陽人

古周禮

姓氏

三

堂策檻



鄭鏗 字剛中三山人

薛季宣 字士隆永嘉人

陳祥道 字用之長樂人

易 字彥祥長沙人

黃度 字文叔山陰人

葉時 字秀發嘉興人謚文康號竹塹

葉適 字正則號水心龍泉人

鄭伯謙 字節卿永嘉人

曹叔遠 字器遠永嘉人

林 倚

項安世 字平甫括蒼人

夏 沐

楊恪 字謹仲永嘉人

陳汲 字及之永嘉人

陳用之 天台人

趙溥 萬江人

鄭敬仲

薛 圖

陳汪 字蘊之永嘉人

李叔叔 字景齊蒲陽人

孫之宏 字偉人山陰人

魏了翁 字華甫沙縣人

林希逸 號庸齋福清人

俞庭椿 字壽翁臨川人

王次點 字與之永嘉人

袁宏

朱申 字周翰建安人

元

吳澂 字幼清臨川人

丘葵 字吉甫清源人

陳友仁 字君復嘉興人

明

梁寶

蘇衡 字平仲金華人

何喬新 字廷秀號椒丘廣昌人

方孝孺 字希哲寧海人

舒芬

字國棠號梓溪進賢人

黃佐

字才伯號泰泉廣州人

貢汝成

字玉甫宣城人

楊慎

字用修號升庵成都人

梅守德

字純甫號宛溪宣城人

沈寵

字思畏號古林宣城人

李文察

平和人

徐常吉

號儻弦武進人

沈懋學

字君典號少林宣城人

柯尚遷

字喬可晉安人

王世貞

字元美號弇州太倉人

孫攀

字士龍宣城人

陳仁錫

字明卿長洲人

郭正域

字明龍江夏人

禮五姓

字世謙五真人

刺子也

字世謙身四人

紉 樂

字士華官四人

王卅良

字元美觀余州太倉人

林尚顯

字喬河晉安人

注釋古周禮凡例

一是經攷漢藝文志元闕冬官後儒那掇五官妄

為增補弗從

一經文悉宗鄭康成元本至五官之屬移并各官

之首另為標目以便觀覽

一漢唐注疏不無異同今參攷諸家益所未備釐

所未安或有釋異句殊如夏官節服氏之類義

可相發者特存注中以備攷

一注釋自朱周翰句解行世宣城孫士龍嗣為補

輯雖若串珠終成碎玉今總揭正文彙括細註  
務使全經微義一覽瞭然

一考工記善本絕少間有錯逸如玉人一段後人  
臆為芟削因睹全經今從鄭本攷定庶無失周  
官遺意云

一經文字義間多奇古且有一字兩音一音異用  
俱明釋本文字下庶免昧目至一經詮釋不復  
重贅讀者意會可也

一考正經文或折衷傳註或引証他經俱標題括

周禮奇字

六經用字固亦間有奇古者然惟周禮一書獨多予  
謂前賢以為此書出於劉歆嘗從楊子雲學作奇字  
故用以入經如法為瀆柄為枋邪為袞美為媿呼為  
噉拜為擗韶為馨怪為傀暴為馘獨為籍風為飄鮮  
為蠡槁為薨螺為贏牌為廙魚為戲埋為狸吹為飲  
咳為穢暗為餽析為櫟探為揮翹為翹摘為砮駭為  
駮擊為擊辜為樟菊為鞠叫為器掬為輦纂為棋藻  
為藻具為夙叩為礪艱為難魅為彪稍為削斑為般

案爲養數爲籩畝爲誨迫爲柏弭爲彌柩爲匱航爲  
鱣疆爲畱定爲奠罪爲臯原爲遼與夫庠曠胖繡盥  
眠副醜臬鬱箔蠶柶緣臨嬰槩棟之類皆七經鮮用  
予前已書之而不詳悉若考工記之字又不可勝載  
也

訓雋云五官多奇字字形也考工記亦多奇字字  
義也考工記之字義奇而妥用之綴文則適五官  
之字形奇而僻用之綴文則陋說者謂此書本出  
於劉歆之家而歆嘗學奇字於楊雄以此竄入非  
當時之故文也洪景盧嘗辨之豈以前聖之簡易  
而有此字形也哉夫惟考工記尚矣

而休北字派出始夫對義工指尚矣

當報之始文也其景識曾幾文豈以前聖之命

古周禮天官目錄

治官之屬六十三

人宰

小宰

宰夫

宮正

宮伯

膳夫

庖人

內饗

外饗

亨人

甸師

獸人

敝人

鼈人

腊人

醫師

食醫

疾醫

瘍醫

獸醫

酒正

酒人

漿人

凌人

籩人

醯人

醢人

鹽人

冪人

宮人

掌舍

幕人

掌次

天府

玉府

內府

外府

司會

司書

職內

職歲

職幣

司裘

掌皮

內宰

內小臣

閹人

寺人

內豎

九嬪

世婦

女御

女祝

女史

典婦功

典絲

典枲

內司服

縫人

染人

追師

屨人

夏采



祭人

臨人

司人

祭人

司人

祭人

典絲

典絲

典絲

並祀

內同祀

典誠

典誠

典誠

夏采

祭人

典泉

典泉

典泉

夏采

祭人

典泉

典泉

典泉

重校古周禮卷之一

天官

治官之屬大宰卿一人小宰中大夫二人宰夫下大夫四

人上士八人中士十有六人旅下士三十有二人府六

人史十有二人胥十有二人徒百有二十人

也卿爵也下士所治事繁故其員倍于中士而謂之旅

也府治藏者猶令之庫官史掌書者猶令之令史胥徒

民之給徭役者胥有才智之稱為徒之什長徒猶今之

隸卒在官趨走者也後凡言府史胥徒者倣此○丘氏

曰自下士以上得王之簡命則為王臣下

文府史胥徒官長得自辟召非王命也

官正上士二人中士四人下士八人府二人史四人胥四

人徒四十人

宮伯中士二人。下士四人。府一人。史二人。胥二人。徒二十人。

膳夫上士二人。中士四人。下士八人。府二人。史四人。胥十

有二人。徒百有二十人。丘氏曰膳夫以下庖養亨人等官皆以士為之而屬之冢宰以

人君飲食不可輕也。何氏曰王莽之椒酒梁冀之煮餅皆因飲食以賜大惡使周公之法行寧有是禍乎

庖人中士四人。下士八人。府二人。史四人。賈八人。胥四人。

徒四十人。置賈欲知市價

內饗中士四人。下士八人。府二人。史四人。胥十人。徒百人。

外饗中士四人。下士八人。府二人。史四人。胥十人。徒百人。

亨人下士四人。府一人。史二人。胥五人。徒五十人。

甸師下士二人。府一人。史二人。胥三十人。徒三百人。

獸人中士四人。下士八人。府二人。史四人。胥四人。徒四十

人。

獻人中士二人。下士四人。府二人。史四人。胥三十人。徒三

百人。

鼈人下士四人。府二人。史二人。徒十有六人。

膳人下士四人。府二人。史二人。徒二十人。

醫師上士二人。下士四人。府二人。史二人。徒二十人。

食醫中士二人。

疾醫中士八人。

重刊古月補  
卷一  
湯醫下士八人

獸醫下士四人

酒正中士四人下士八人府二人史八人胥八人徒八十

人

酒人奄十人女酒三十人奚三百人

奄精氣閉藏者今謂之宦人女酒女奴曉

從坐  
有從坐  
男女沒  
縣官  
為奴其  
才智  
人器奚  
之侍  
吏官理  
正觀

造酒者下稱女漿女邊女醢女醢女醢女醢皆此類矣猶今之官婢下稱奚而與官女同事者倣此○或云奄精氣閉藏者先上擇而用之未必皆出于刑獄也

漿人奄五人女漿十有五人奚百有五十人

女漿女奴曉造漿者

凌人下士二人府二人史二人胥八人徒八十人

邊人奄一人女邊十人奚二十人

女邊女奴掌實邊者

酒正中士四人下士八人府二人史八人胥八人徒

八十人

酒人奄十人女酒三十人奚三百人

奄精氣閉藏者今謂之宦人女

曹注古者  
從坐男女  
入縣官  
為奴其  
才智以  
表今之侍  
吏官婢也  
工謂邊女  
作奚

酒女如曉造酒者下稱女漿女邊女醢女醢女醢女醢皆此類矣猶今之官婢下稱奚而與官女同事者倣此○或云奄精氣閉藏者先王擇而用之未必皆出于刑獄也

漿人奄五人女漿十有五人奚百有五十人

女漿女奴曉造

者

凌人下士二人府二人史二人胥八人徒八十人

邊人奄一人女邊十人奚二十人

女邊女奴掌實邊者

古周禮

二卷

五

前

醢人奄一人女醢二十人奚四十人

女醢女奴  
曉為醢者

醢人奄二人女醢二十人奚四十人

女醢女奴  
曉為醢者

鹽人奄二人女鹽二十人奚四十人

女鹽女奴  
曉治鹽者

冪人奄一人女冪十人奚二十人

女冪女奴  
曉治冪者

宮人中士四人下士八人府二人史四人胥八人徒八十人

掌舍下士四人府二人史四人徒四十人

冪人下士一人府二人史二人徒四十人

掌次下士四人府四人史二人徒八十人

大府下大夫二人上士四人下士八人府四人史八

人賈十有六人胥八人徒八十人

府官有市買用  
賈則能知物價

賁賤也

玉府上士二人中士四人府二人史二人人工八人賈

八人胥四人徒四十有八人

工能攻玉者  
賈能辨玉者

內府中士二人府一人史二人徒十人

外府中士二人府一人史二人徒十人

司會中大夫二人下大夫四人上士八人中士十有

六人府四人史八人胥五人徒五十人

司書上士二人中士四人府二人史四人徒八人

職內上士二人中士四人府四人史四人徒二十人

職歲上士四人中士八人府四人史八人徒二十人

職幣上士二人中士四人府二人史四人賈四人胥

二人徒二十人

司裘中士二人下士四人府二人史四人徒四十人

掌皮下士四人府二人史四人徒四十人

內宰下大夫二人上士四人中士八人府四人史八

人胥八人徒八人

內宰掌宮禁之事嬪御關士皆在所統以下大夫胥之其

任亦重矣○何氏曰成周內宰宮正宮伯宮人皆士大夫爲之而又統于大宰非若後世專用奄墜而大臣不得與聞宮禁之事也漢初大長秋中常侍猶參用士人東京以降專用宦者而人君燕游居養大臣不復知矣○鄭氏曰天子理陽道后治陰德風化並行故贊治之官皆曰宰內宰屬太宰者以其治家之道亦多權衡審計于大臣格心之所自出歟今考內宰下大夫二人命士十二人自內小臣奄宦凡將命洒掃之人自九嬪至女御視史凡內官自典婦功織紉衣服凡掌內之事皆屬焉而隸于大宰蓋女寵近習所以移人君之德者大臣總之無敢踰節皇父作相膳夫內史皆不得其人巷伯之雅寺人爲之雖奄官亦遴其選晉侯近女感疾醫和以爲趙孟之過古人致君二南之化其道如此

內小臣奄上士四人史二人徒八人

鄭氏曰奄稱士異其賢○何氏

曰內小臣王后之小臣也以奄人為之而序官以  
為上士者必其有忠信之心無險詖之行故使人  
食上士之祿而用之○未嘉陳氏曰成周盛時內  
小臣闈人寺人之屬悉統于冢宰西漢之制猶稍  
近古三公總九卿而少府之官凡內臣皆屬焉倭  
幸如鄧通一有細過申屠嘉得召而斬之况當時  
內臣亦參選明德之士咸拜議郎更宿王宮以備  
顧問如楊雄之位執戟孔安國之掌唾壺是也東  
漢則不然議郎不在宿直人主無由親近明經之  
士中常侍盡宦者為之卒至羣奄用事孫程始得  
以專廢立之權董卓終得以成敗國之謀原其所  
自蓋東漢三公擁虛位無復西漢統領九卿之職  
而宦官專權非三公所能制矣

闈人王宮每門四人圍游亦如之

圍御苑也白虎通曰天子百里大國四十里次國三十里小國二十里文王之

寺人王之正內五人

正內謂寢也

內監倍寺人之數

監未冠者之稱即寺人之小者

九嬪

昏義所謂九嬪也

世婦

昏義所謂世婦也天官春官皆有世婦在天官

者不言數在春官者則有數而其職掌之文畧同○鄭氏曰世婦具其名而不言數者君子不苟于色有婦德者克之無則闕○柯氏曰按昏義則二十七人春官亦有世婦則每宮卿二人下大夫四人中士八人其職又與此不同者後儒合之則所謂下大夫中士果何人也竊意天官世婦與九嬪女御為列則誠天子之嬪妃也春官世婦則專掌后宮之禮者上自王后下至內外宗皆其所教有大夫士之爵者乃女官設府于內有齒德者為之所為女傅是也內宰自外而治內世婦自內而達外必如此濃制乃備也觀其所屬有府史與奚古周禮一卷

而內外宗次之可知矣後儒合之非也

女御

昏義所謂御妻也

女祝四人奚八人

奚亦宮女為之

女史八人奚十有六人

奚亦宮女為之

典婦功中士二人下士四人府二人史四人工四人

賈四人徒三十人

典婦功主宮嬪絲臬功官之長故有賈以辨絲臬美惡貴賤也

典絲下士二人府二人史二人賈四人徒十有二人

典臬下士二人府二人史二人徒二十人

內司服奄一人女御二人奚八人

縫人奄二人女御八人女工八十人奚三十人

女工女奴

曉裁縫者

染人下士二人府二人史二人徒二十人

追師下士二人府一人史二人工二人徒四人

屨人下士二人府一人史一人人工八人徒四人

夏采下士四人史一人徒四人

夏來可士四人史一人共四人

縣人可士二人執一人史一人工八人共四人

鉞酒可士二人執一人史二人工二人共四人

樂人可士二人執二人史二人共二十人

縣春  
縣燕

縣人春二人女傭八人文工八人共三十人

注釋古周禮卷一

明 郎兆玉完白注釋

友葉自本茂叔參閱  
男郎斗金公宜糾譌

周禮

朱氏申曰周成王幼周公攝政制禮作樂以致  
太平及歸政之日因典章文物之盛著為六典  
實周家  
代之禮云

天官冢宰第一

白虎通曰冢宰職在制國之用是以由之也故王  
制曰大冢宰制國用所以名之為冢宰何冢者大  
也宰者制也大制事也故王度曰天官冢宰一人  
爵祿如天子之大夫或曰冢宰視卿周官所云也

古周禮

一卷

一

堂策檻



○何氏曰冢天也宰治也天官卿治官之長故謂之冢宰成器以天地四時名六官者取其序以為名號之別耳如後世甲庫乙庫之類非有意義也○吳氏曰為治莫先于教化故冢宰之後司徒次之教化莫先于禮樂故宗伯次之教之化之而猶有不率則天者加之以甲兵小者加之以刑罰不得已也故司馬司寇次之暴亂去而後民得安居故以司空之居民終焉○按周家六官取濶天地四時冢宰曰天官以其總綱衆官猶天道統理萬物也司徒曰地官以其安擾萬民猶地之載養萬物也禮文繁縟象春發生故宗伯曰春官兵威震赫象夏長盛故司馬曰夏官刑罰嚴厲象秋肅殺故司寇曰秋官奠民攸居象冬飲藏故司空曰冬官○司空司馬司寇司空皆曰司以其各主一事也冢宰兼總六官故不言司宗伯亦不言司者以祭祀鬼神非人所主也

惟王建國辨方正位體國經野設官分職以為民極乃立天官冢宰使帥其屬而掌邦治以佐王均邦國

此言周王之建立邦國也王者君天下之稱建立也國王者所都也辨方考日景以別四方正位審面勢以正左祖右社前朝後市之位也體猶分也分營國中以為宮寢門除如人之有體經猶畫也畫治野外以為丘甸溝洫如織之有經為民極為斯民至極之標準均平也書周官冢宰掌邦治統百官均四海

大宰之職掌建邦之六典以佐王治邦國一曰治典以經邦國以治官府以紀萬民二曰教典以安邦國以教官府以養萬民三曰禮典以和邦國以統百官以諧萬民四曰政典以平邦國以正百官以均萬民

五曰刑典以誥邦國以刑百官以糾萬民六曰事典以富邦國以任百官以生萬民

大宰治官之長兼總六官曰冢職列於王曰大職所掌之事也建邦即建國也典常也六典治天下之常濶大宰于六官之典無所不統也治典天官之典治邦國有節制之道故曰經百官所居曰府天官曰治典故于官府言治凡治民者欲詳猶網之有紀故曰紀教典地官之典安者教敷化行寧謐中外也教者訓迪職業也擾馴習也順民之性而不拂其宜也禮典春官之典和者禮意周至使無乖忤也統撫御也禮以定上下乃所以統之也諸調合也正典夏官之典除歲去暴曰平均者分畿定賦皆均齊也刑典秋官之典隱而難知者詰之顯而易見者則直刑之糾察也事典冬官之典富者豐財足用也任猶使也蓋以事而專責成乃所以任之也生猶養也蓋任官而後養民也

以人濶治官府一曰官屬以舉邦治二曰官職以辨

邦治三曰官聯以會官治四曰官常以聽官治五曰

官成以經邦治六曰官灋以正邦治七曰官刑以糾

邦治八曰官計以弊邦治

官屬六官之僚佐舉者舉而行之也官職者百官分職辨者各有司存也官聯者通職連事成者事得會合而成也官常百官之常職聽以察其違常者官成百官成典正以整齊其民也官刑即司寇五刑糾者察其善惡也官計三年大計弊則斷其誅賞也

以入則治都鄙一曰祭祀以馭其神二曰灋則以馭

其官三曰廢置以馭其吏四曰祿位以馭其士五曰

賦貢以馭其用六曰禮俗以馭其民七曰刑賞以馭其威八曰圖役以馭其衆

則亦法也詳曰濩略曰則都鄙公卿大夫與王子弟所食之采地祭祀宗廟社稷之祀馭猶馬之在馭使與祀無營也濩則以馭官兩伍殷輔家臣之屬格遵舊章也有罪廢有行置養以祿敘以位官謂治事者吏謂治人者吏謂始仕者上謂未仕者馭其用量其入以為出也禮俗以禮節其風俗無變更也威者民畏刑而為善則蒙賞者衆矣田獵以簡衆役使以任衆因四時之田而役之此施于畿內采地有食邑者

以八柄詔王馭羣臣一曰爵以馭其貴二曰祿以馭其富三曰予以馭其幸四曰置以馭其行五曰生以

馭其福六曰奪以馭其貧七曰廢以馭其罪八曰誅以馭其過

詔告也八柄者天子所以馭羣臣非人臣所可預故六幸以告于王也有爵則貴有祿則富故曰馭貴曰馭富十者爵祿之外別有所賜也出于特恩故曰幸置以馭行置之于位以旌其善行也生以馭福有罪可殺以八議而生之得生即為福矣奪以馭貧臣有罪則奪其田祿以困苦之廢以馭罪放之于遠誅以馭過責之以言蓋罪重則放之過輕故責之也

以八統詔王馭萬民一曰親親二曰敬故三曰進賢四曰使能五曰保庸六曰尊貴七曰達吏八曰禮賓

統言舉于此而欲從之王躬行于上而民從之也親親達九族也敬故重故舊也進賢用有德者使

濩猶器之有柄也

授內史掌八柄之濩五曰殺注殺即誅也罪重而過輕故第責之以言

能任有才者保庸安有功者尊貴崇有爵者達吏  
吏在下位有可舉者則任用而達之勿壅蔽也禮  
賞謂朝聘之諸侯與  
之行賓主揖遜之禮

無木曰藪

有畜曰牧

行貨曰商

居貨曰賈

金玉曰貨

布帛曰賈

蠶所吐為

絲麻有子

曰泉

以九職任萬民一曰三農生九穀二曰園圃毓草木

三曰虞衡作山澤之材四曰藪牧養蕃鳥獸五曰百

工飭化八材六曰商賈阜通貨萌七曰嬪婦化治絲

泉八曰臣妾聚斂疏財九曰閭民無常職轉移執事

以九者職業任使也民也三農山農澤農平地農

生種也九穀黍稷稻粱林旅麻麥豆也毓順草木

之性也虞衡掌山澤之官作用也養畜蕃盛也飭

致力攻治也化因形移易也八材珠象玉石木金

華羽也阜盛也嬪台夫者婦有姑者化治化而後

治之也臣妾用文母人以及者聚斂蓄積也疏財如

以九賦斂財賄一曰邦中之賦二曰四郊之賦三曰

邦甸之賦四曰家制之賦五曰邦縣之賦六曰邦

都之賦七曰關市之賦八曰山澤之賦九曰幣餘之

賦

上取于下曰賦九者取于任地與餘財非取于

民者也邦中謂邦者四郊四方之郊六鄉百里

之內邦甸謂邦甸去國二百里天子使吏

治之邦縣謂邦縣去國四百里大夫所食采邑故曰家稍

五曰關市之賦關市謂關市之賦所斂之財

用度之餘也

歸職也

王城三

百里曰甸

象邑小都

大節自稱

以出象邑

在三百里

在四

百里大都

在五百里

向外故曰

自稱以出

關市有賦

如小國關

自市所稱

非若後之

係暴也



友以任得民九曰慈以富得民

兩猶耦也繫猶綴也所以慈耦萬民而聯綴不散者有此九事九州之牧各有分地得以服民都鄙之長食其祿而不得其地也但以貴得民庠序之師德為人範黨學典教道足化民大宗之于以合天下之族主大夫之治都鄙而為貴家大族者以采地之利得民吏鄉遂之吏既秉其政則民亦悅其治故以治得民鄉田同井合志之友能保任民自不忍棄故以任得民嚴者廣濬鉅野財物所生故以富厚得民

禮記卷之

卷王正月

則純甲夏  
不以改歲  
正以紀年

正月之吉始和布治于邦國都鄙乃縣治象之灋于象魏使萬民觀治象挾日而歛之乃施典于邦國而建其牧立其監設其參傅附其伍陳其殷置其輔

乃施則于都鄙而建其長立其兩設其伍陳其殷置其輔乃施灋于官府而建其正立其貳設其考陳其

殷置其輔

正月建寅之月吉朔日也寅月陽和初動歲功將興而王灋可行故頒布六典于邦國之諸侯都鄙之卿大夫象魏即雉門兩觀以治灋畫之于象而懸于兩觀使人觀治象而遵行之一旬為挾必十日而收斂者使遠近徧知之也牧師以地得民者監公侯伯子男各蓋一國參大國次國三卿伍大國次國下大夫五人設衆也上士中士下士也輔庶人在官者府與胥徒也長帥以貴得民者兩謂兩卿正六卿之長貳六卿之佐攷考其成績也

凡治以典待邦國之治以貳待都鄙之治以灋待官

府之治以官成待萬民之治以禮待賓客之治

大凡為治之道六其本以治邦國八則本以治都鄙八瀝本以治官府八成本以治萬民禮本以接賓客待者謂待其成而考之也

祀五帝則掌百官之誓戒與其具修前期十日帥執

事而卜日遂戒及執事既滌濯及納亨烹贊王牲

事及祀之日贊玉幣爵之事祀大神示祗亦如之享

先王亦如之贊玉几玉爵

祭祀五方之帝謂太昊少昊炎帝黃帝顓頊有德之君百官謂與祀者誓者警之以言戒者飭之以事具者犧牲禮齊之品修者掃除汎灑之事未祭之前散齋七日致齋二日百官執祭事者大宰帥

之以卜祭日卜既得日遂戒百官以始齋即散齋也至祭之前夕執事之時大宰親祗洗祭器同祭之晨納牲告殺乃授烹人王祖而迎牲射牲割牲大宰則剪其毛而贊焉及厥明將祀之時玉幣以禮神爵以獻神大宰執以從王至而授之祭天地舉蒸嘗禮亦如之玉几所以依神獨享先王用之別言玉几玉爵者以明異于五帝神祗也

大朝覲會同贊玉幣玉獻玉几玉爵大喪贊贈玉合

玉作大事則戒于百官贊王命

春見說詞曰口實曰含象生時食也天子以珠諸侯以玉大夫以璧士以貝

春見曰朝秋見曰覲時見曰會殷見曰同玉幣諸侯所將之幣玉獻貢獻珍異也玉几玉見諸侯之禮玉爵諸侯酬王之禮大喪天子之喪贈玉既定用之以送先王合玉始薨將斂飯舍之玉以為口實作興起也大事謂祀與戎大

古周禮

一卷

八

堂策禮

百官府百  
司庶府非  
止為官之

王眡治朝則贊聽治。眡四方之聽朝亦如之。凡邦之  
小治則冢宰聽之。待四方之賓客之小治。歲終則令  
百官府各正其治。受其會聽其致事而詔王廢置。三  
歲則大計羣吏之治而誅賞之。

眡朝臨朝也。治朝在路門外。大宰助王以理斷天下之治。王巡狩于方岳其贊治亦如之。不關于王視朝謂之小治。冢宰專之。不以煩王也。至朝于方岳如致餐獻餼亦冢宰待之。每歲之終徧飭百官使各獻其治。受其事功之計聽其所致以告于王。而廢置之。迨三歲大比則總計其狀而無功者視之。罪有功者隆之賞。不徒廢置之而已也。

小宰之職。掌建邦之官刑。以治王宮之政令。凡宮之

糾禁。掌邦之六典。八灋。八則之貳。以逆邦國都鄙官  
府之治。執邦之九貢。九賦。九式之貳。以均財節邦用。

小宰大宰之副也。官刑在王宮中之刑。違政令者未發則糾察之。既發則禁止之。逆謂迎受勾考也。均財使得其平。節用使之無過。貳副書也。典灋則大宰既總其操縱之權。小宰則掌其貳。以攷其功罪之實。貢賦式大宰既制其斂散之政。小宰則執其貳而謹其出納之籍。

以官府之六敘。正羣吏。一曰以敘正其位。二曰以敘  
進其治。三曰以敘作其事。四曰以敘制其食。五曰以  
敘受其會。六曰以敘聽其情。

六敘者以六者敘其倫之先後。即秩次也。正位卿大夫朝位有尊卑也。進治治狀進于上者有先後。古周禮一卷九



也作事大事從長小事專達也制食因爵之尊卑以制其祿也受會進會計之書受之亦以尊卑聽情獄訟之情聽之亦以尊卑也

以官府之六屬舉邦治。一曰天官其屬六十。掌邦治。大事則從其長。小事則專達。二曰地官其屬六十。掌邦教。大事則從其長。小事則專達。三曰春官其屬六十。掌邦禮。大事則從其長。小事則專達。四曰夏官其屬六十。掌邦政。大事則從其長。小事則專達。五曰秋官其屬六十。掌邦刑。大事則從其長。小事則專達。六曰冬官其屬六十。掌邦事。大事則從其長。小事則專達。

達。六官之長各有屬官。然後邦治可舉而行。六十舉大數也。事之大者從冢宰。大司徒。大宗伯。大司馬。大司寇。大司空。至事之小者。則屬官得專行之。故曰專達。○王氏曰。官有尊卑。則所治有詳略。大事不聽其長。則卑者從而敗事。小事不專決。則尊者繁而無功。先王之馭羣臣。各有其道也。

以官府之六職辨邦治。一曰治職以平邦國。以均萬民。以節財用。二曰教職以安邦國。以寧萬民。以懷賓客。三曰禮職以和邦國。以諧萬民。以事鬼神。四曰政職以服邦國。以正萬民。以聚百物。五曰刑職以詰邦國。以糾萬民。以除盜賊。六曰事職以富邦國。以養萬

民以生百物

六官之職不同故邦治得以分辨平者國不得益邦而過制也均者民不得擅利而獨侈也節者上下皆無泛用也安邦國者修文德以安之寧者安之至也懷者近悅而遠來也事鬼神者人和而神祐也服則使之順于上正則使之止于下聚百物者貢出于邦賦歛于民也除盜賊者姦無所容也養萬民者居四民時地利也上下兼足則無曠土遊民故百物可生也

以官府之六聯合邦治。一曰祭祀之聯事。二曰賓客之聯事。三曰喪荒之聯事。四曰軍旅之聯事。五曰田役之聯事。六曰歛池之聯事。凡小事皆有聯。

官府六事皆聯事通職然後邦治得以會合而成也祭祀之聯大宰贊玉幣玉幣司徒奉牛牲宗伯祗滌濯司馬羞魚牲司寇奉明水火之類賓客之聯謂大朝覲會同贊玉幣玉獻之類必聯事合治而後成也喪荒之聯謂贈王舍玉移民通財也軍旅之聯謂六軍軍將皆命卿大司徒以旗致萬民大司馬仲春教振旅之類田役之聯謂田以簡衆役以任衆如大小司徒鄉師大司馬所掌田役之事歛弛之聯謂斂民之財弛民之力如大宰掌九貢九賦而大府司會司書亦掌之此斂之聯事鄉大夫國中貴者賢者皆合征而小司徒亦掌之此弛之聯事也

以官府之八成經邦治。一曰聽政役以比居。二曰聽師田以簡稽。三曰聽閭里以版圖。四曰聽稱責以傳別。五曰聽祿位以禮命。六曰聽取予以書契。七曰聽買賣以質劑。八曰聽出入以要會。

禮記卷之六  
兩家得一  
禮記卷之六

八成入事之成式民有訟者以此成聽斷焉政力  
政也役徒役也比居比隣也以其地隣居者聽之  
簡閱稽計也師以用衆田以簡衆以簡稽之書聽  
之在鄉則二十五家爲閭在遂則以二十五家爲  
里有訟則以戶籍與其地圖聽之傳別券書也稱  
貸其物責其所償一憑傳別之書禮命禮之九命  
也爭祿多寡與位前後一憑九命之禮取予謂官  
貸于民者官之所予民之所取其責償也以書契  
聽之質大市有知見也劑小市有契券也買賣有  
爭者則依質劑而聽之以結信而止訟也歲計曰  
會月計曰要官給于民曰出民輸于  
官曰入皆以其計簿聽之毋或紊也

以聽官府之六計弊羣吏之治一曰廉善二曰廉能  
三曰廉敬四曰廉正五曰廉澆六曰廉辨

聽平治也弊斷也平治官府之計有此六事以斷  
羣吏之治廉察也善謂循良足以宜民者能謂才  
能足以辨事者不懈于位曰敬行無傾邪曰正守  
澆不阿曰澆臨事不惑曰辨以此六者察之而羣  
吏之能  
否見矣

以澆掌祭祀朝覲會同賓客之戒具軍旅田役喪荒  
亦如之七事者令百官府共其財用治其施舍聽其  
治訟

法禮法也戒謂飭其事具謂備其物七事者自祭  
祀至喪荒七事也令百官之府共七者之財用施  
謂施恩惠舍謂舍政役理  
其事曰治爭具事曰訟

凡祭祀贊玉幣爵之事裸將之事

遇有祭祀之事贊玉幣爵小宰從大宰以助王也  
裸酌鬱鬯以獻尸也將送也亦贊王以行其事也

凡賓客贊禩。凡受爵之事。凡受幣之事。喪荒受其舍

禩。遂幣玉之事。

賓客有禩敬賓如敬神也。受爵賓所以酢王之爵。受弊賓所以享王之幣。口實曰舍衣裳曰禩。喪有諸侯贈送之舍。禩荒有諸侯賜遺之幣。玉此皆賓客饋王之禮。小宰受之以進于王。故不復言贊也。

月終則以官府之敘。受羣吏之要。贊冢宰受歲會。

歲終則令羣吏致事。正歲帥治官之屬。而觀治象之

澶。狗以木鐸曰。不用法者。國有常刑。乃退。以宮刑憲

禁于王宮。令于百官府曰。各修乃職。攷乃澶。待乃事。

以聽王命。其有不共。則國有大刑。

月終每月之終也。月計曰要。受之各以尊卑之敘也。歲計曰會。大宰受之。小宰助之而已。歲終每歲之終也。使六官各致一年之功狀以待考也。正歲每歲之首也。大宰懸治象之澶。小宰率治官六寸之屬。而往觀焉。狗行示也。古者有新令則以木鐸巡行于道路以警衆也。不用法以下皆狗之詞也。

柯氏曰。正歲建子之月也。思改歲于建子。故解正歲改歲之朔耳。目一新。大宰與小宰之治法。此日懸于天宮之府。小宰乃帥治官屬往觀之。乃頒行天下。至正月之吉。懸于象魏。六下舍以其日懸之行新令也。蓋以改歲言故曰正歲。以始月而言故曰正月。先儒以正歲為建寅正月。不知此耳。

之復萬民之逆

大宰既有副憲又有宰夫所謂設其政也治朝在路門外止朝儀事之使司士掌之正王及公卿者宰夫糾其儀也禁使勿犯令使遵行以馭羣吏所治之事實容書有求于朝者待令者賓客未至而先為之具餼也三反命于上曰復民有言于上曰逆○宰夫掌實室復逆此即漢尚書職事漢御史大夫領御史十二員受公卿章奏足矣而又有尚書者蓋御史不復掌至內庭遂使尚書在內掌四方章奏至武庫書之然後庭不出于是置中書謁者令以宦官為之平決庶書事章奏到時盡歸尚書當時少府已不可無何于是以大司馬大將軍領尚書後有副封之弊魏相白去以防壅蔽尚書之權又輕後以中書收其權逆成兩省

掌百官府之徵令辨其八職一曰正掌官灋以治要

二曰師掌官成以治凡三曰司掌官灋以治目四曰

旅掌官常以治數五曰府掌書契以治藏六曰史掌

官書以贊治七曰胥掌官敘以治敘八曰徒掌官令

以徵令

徵召也徵令者百官之在官府士有所召而使之從令也辨其八職知所從也正六官之長條屬所取正者官灋謂官府之八灋要則月計之書也師六官之式僚三所受教者官成謂官府之八成凡則旬計之書也司謂各司其職者目則日計之書也旅眾職事也官常即八灋之百官常職也數謂事之多少也府主蓄文書者契謂要書藏蓄藏也史理文辭而述事書謂史所述者贊治文書起草也胥有材智為行長者敘謂文書之次敘治敘謂應所敘之先後也徒趨大以應呼召者官令謂官

府之令徵令  
即上所召也

掌治灋以攷百官府。群都縣鄙之治。乘其財用之出入。凡失財用物。辟避者以官刑。詔冢宰而誅之。其足用長財善物者賞之。

羣都諸采邑也。百官以治法考其成功也。乘猶計也。失謂失其所慕也。辟名以空文作實在也。長財出納有餘用善物者守祀惟謹賞之。所以旌其能也。

以式灋掌祭祀之戒具。與其薦羞。從大宰而砥滌濯。凡禮事。贊小宰比官府之具。凡朝覲會同賓客。以牢禮之灋。掌其牢禮。委積膳獻。飲食賓賜之殽。宰與其數。凡邦之弔事。掌其戒令。與其幣器財用。凡所共者。大喪小喪。掌小官之戒令。帥執事而治之。三公六卿之喪。與職喪。帥官有司而治之。凡諸大夫之喪。使其旅。帥有司而治之。

戒具見上。薦脯醢也。羞庶羞也。禮事行禮之事也。比校也。小宰已言。戒具宰夫則贊之。而校其美惡焉。賓客即朝覲會同之賓客也。牢禮牛羊豕共為一牢。所以禮賓也。委積米禾薪芻也。膳獻禽羞也。飲食宴享也。殽。夕食也。牽牲可牽而行者也。賓客未至則有委積。已至則有膳獻。飲食始至則有殽。牽賓之殽。宰則有司所供賜之殽。宰則王所賜也。陳數則以爵等為牢。禮所陳之數也。大喪王后世子之喪。小喪夫人以下之喪。小官士也。若大喪則冢宰掌其戒令。帥百執共辨治之。公卿大夫之喪。

有司治之者  
各稱其職也

歲終則令羣吏正歲會。月終則令正月要。旬終則令正日成。而以其治。治不以時舉者。以告而誅之。正歲則以灋警戒群吏。令脩宮中之職事。書其能者。與其良者。而以告于上。

歲令月要日成皆令群吏正之。以其治其有違令失期會者告于冢宰而誅責之。警懲之以言戒。束之以事修職事舉廢者而理治之也。告于上告于太宰小宰也。○鄭氏鑿曰或問小宰宰夫推廣大宰之法而聳動警飭百府之治矣。今而復掌王宮何也。曰先王之制事權欲合于一而內外不容分也。蓋宮正宮伯不過掌權欲合于一而內外不容衛之職與夫官府之在內者耳。其間徒役宿衛。又

不相關。職既不能以相統而權亦不能相臨。雖臨之惟大宰焉。故宮正宮伯內宰皆隸于大宰。職雖列于外而通于內。權雖分于二而總于一。自今考之曰建邦之宮刑曰治王宮之政。令曰憲禁于王宮。曰令脩宮中之職事。則王宮后宮無不在所掌也。自其掌王宮也。則兵衛郎衛凡宿衛之人皆領之。宮禁之閉藏。王后世子之好用財用。之司存皆領之。其間多寡豐約。用舍去取。天子始不得以自私。而小臣始不得以自便矣。自其掌后宮也。則六宮六寢。無王后之限。九嬪九御。無女宮之別。詔其禮樂。正其服位。禁其奇袤。稽其功總。其間損益增減。採擇進御。而無侵竊惑移之患矣。蓋世未有

齊官伯  
詳漢之節

古周禮

一卷

十六

堂策檻

命武帝  
更名光祿

動

其出入均其稍食  
去其淫怠與其奇衰之民會其

之衆寡爲之版以待夕擊析而比之國有故則令宿

其比亦如之辨外內而時禁稽其功緒糾其德行幾

其出入均其稍食去其淫怠與其奇衰之民會其

什伍而教之道藝月終則會其稍食歲終則會其行

事凡邦之大事令于王宮之官府次舍無去守而聽

政令春秋以木鐸脩火禁凡邦之事蹕宮中廟中則

執燭大喪則授廬舍辨其親疎貴賤之居

宮正宮中宿衛之長也戒以戒其怠忽令則使有  
爲也糾以糾其緩散禁則使勿爲也時四時也此  
校也次直宿之廬舍休沐之所也以四時比校之  
慮有維次失守者也版以待書其人之名于版以

待戒令也析戒守者所擊也置版則名籍可稽夕  
比則能否可見也國有兵喪則令宿衛其時比夕

時出入也稽功緒計其功見于緒者糾德行察其  
德見于行若幾出入譏宿衛者吏之出入也均稍

食平群吏之廩餘也五人爲伍十人爲什會而教  
之使左右近習皆親儒生以成德行也季春火星

出于辰季秋火星出于戌以木鐸警之使修火政  
也事蹕國有事故王出則蹕止行人如祭社稷先

爲之清道也秉燭爲明防不虞也廬倚廬舍聖室  
親貴居倚廬陳賤居聖室雜記

日大夫居廬士居聖室是也

宮伯掌王宮之士庶子凡在版者掌其政令行其秩

敘作其徒役之事授八次八舍之職事若邦有大事

作宮衆則令之月終則均秩歲終則均敘以時頒其



衣裘掌其誅賞。

伯亦長也。副于宮正。故以伯稱士衛士也。庶子國子之序。乃公卿大夫之庶子。未為士者。徒役微逖。奔走也。八次八舍。宮有四濶。次舍列四角。四中也。大事謂寇戎也。作起也。起宮中之衆。使士庶子行。則宮伯戒令之。均秩者。均其廩祿也。均敘者。均其才等也。冬夏則頒衣裘功罪。則定誅賞。○葉氏曰。宮正。宮伯。掌王宮者也。在王宮者。百官府各有版。士庶子亦有版。官府有次舍。士庶子亦有次舍。宮正則掌其戒令。糾禁而比。百官府之衆。寡宮伯則掌其敘令。秩敘而授。士庶子之祿。事此皆郎衛也。大僕司隸。虎賁所掌。乃兵衛也。蓋天子之衛。有二。而其別有四。卿大夫士之官吏。在宮中而直宿者。宮正掌之。卿大夫士之庶子。在宮中而入衛者。宮伯掌之。眠朝則司上正。其儀大事。則諸子掌其政。此守環列之衛也。王眠朝則前正位而退。王出入則自左馭而前。驅眠朝則在路門之左。大僕掌之。而小臣御僕屬焉。此僕從侍御之衛也。虎士入百人。先後王趨以卒。極驅朝則在路門之右。虎賁氏掌之。而旅賁氏屬焉。此奔趨先後之衛也。居虎門之左。使其屬率四夷之隸。各以其兵服守王門之外。師氏掌之。帥四翟之隸。使服其邦之服。執其邦之兵。以守王宮。司隸掌之。此周防捷閉之衛也。宿衛之別。四而郎衛兵衛二者。常相繼屬焉。然而居守環列之衛。天子所恃以為腹心者也。居王之左。右前後則其地密備。王之顧問應對。則其任專。是必稽其功緒。而糾其德行。會其什伍。而敘之道。藝所以勸之。使為善也。辨其內外。幾其出入。去其淫怠。竒表所以警之。使不為惡也。均其稍食。會其行事。使無闕祿廢職。則居王所者。孰非德行道藝之選哉。士庶子之在版者。皆大夫士之子。弟有諸子。以考之。成材者。有司察。合之。宮伯者。推均其秩敘。頒衣裘。掌誅賞而已。則在八次八舍之列者。孰非端人。

古周禮 一卷 天 堂策益

膳夫掌王之食飲膳羞以養王及后世子凡王之饋食用六穀膳用六牲飲用六清羞用百有二十品珍用八物醬用百有二十齏王日一舉鼎十有二物皆有俎以樂侑食膳夫受祭品嘗食王乃食卒食以樂徹于造造王齊日三舉大喪則不舉大荒則不舉大札則不舉天地有裁則不舉邪存大故則不舉王燕食則奉膳贊祭凡王祭祀賓客食則徹王之胾俎凡王之稍事設薦脯醢王燕飲酒則為獻主掌后及世子之膳羞凡肉修之頒賜皆掌之凡祭祀之致福者受而膳之以摯見者亦如之歲終則會惟王及后世子之膳不會

膳夫食官之長膳之言善也王至尊而后配王世子為天下本故兼養之進食于王曰饋六穀黍稷稻粱苽麥也六牲馬牛羊豕犬雞也六清水漿醴醕醬醢也羞用百二十品牲及禽獸以備滋味也八物淳熬一淳母二炮豚三炮牂四擣珍五漬六熬七肝管八蕡用百二十醢六十齏六十齏也一舉謂朝食也鼎十有二宰鼎九牛也羊也豕也魚也腊也腸胃也膚也鮮魚也鮮腊也陪鼎三脚也臘也醢也俎以薦牲者物謂牢鼎之實亦九俎也侑勸食也飲食必祭示有所先也授祭者膳夫受王以所祭之物也每物先嘗防有毒也徹收也造造食之所也齊謂散齊致齊也齊必變食故特加二舉三舉朝也日中也夕也凡用三大牢蓋不敢儉也以瀆其精明也喪王喪也凡禮變也天裁

日月薄蝕也地崩川竭也大故寔也凡此皆不舉者自取損也燕食謂日中與夕食也燕食則其祭不如朝食之盛故燕夫授而贊之祭祀賓客食謂祭祀宗廟及與賓客禮食于廟膳夫徹其胾俎餘則其屬徹之稍事小幸也設陳薦進也膳人共廂論人共醢膳夫則陳而進之燕飲行燕禮與辟豆飲酒也燕尊不與臣敵故膳夫代王酌酒獻賓也致福諸臣祭祀歸胾于王膳夫受之以給王膳也贊見者燕鴈雉也亦受之以給王膳歲終則會計頒賜之多少也王后世子不會富有四海之內當受天下之養不以有司法數拘限之也其所費多寡之數則歸其要于大宰

庖人掌共供六畜六獸六禽辨其名物凡其死生鮮薨稿之物共王膳與其薦羞之物及後世子之膳羞共祭祀之好羞共喪紀之庶羞賓客之禽獸凡公禽獻以滷授之其出入亦如之凡用禽獸春行羔豚膳膏香夏行腍渠膳膏臊秋行犢麋迷膳膏腥冬行鱘羽膳膏膾歲終則會唯王及后之膳禽不會

庖厨也庖人主庖厨者六畜即六牲也六獸康鹿狼麋野豕兔也六禽鴈鶉鷄雉鴝鵒也新肉曰鱘乾肉曰薨備品物曰薦好羞謂生時所嗜者如文王之昌歐曾嘗之羊棗生也好之死也羞之庶羞喪事之羞也以法殺之嘗所當獻之數以授虞人也出以獻賓入以饋用行猶用也羔羊子也豚豕子也雁膏香治膳以犬膏也犢小牛也麋小鹿也膳膏膾治膳以雞膏也鱘魚也羽屬也膳膏膾治鱘羽以羊和也歲終則會計膳禽之多少也○禽獸不可久藏賓客至將獻之庖人乃令獸人取之必嘗所嘗羞之數以此嘗付使者展而行之

吉周禮 一 堂 二 子

掌客乘禽于諸侯各如其命之數聘禮乘禽于客日如其饗餼之數士中日則二雙

內饗掌王及后世子膳羞之制亨烹煎和之事辨體

名肉物辨其品味之物王舉則陳其鼎俎以牲體實

之選百羞醬物珍物以俟饋其丘及世子之膳羞辨

腥臊膾香之不可食者牛夜鳴謂膾由羊冷毛而羴

膾羴犬赤股而躁膾騷鳥鱧鱧色而沙鳴狸豸豕盲

眠而交睫膾馬黑脊而般班臂螻凡宗廟之祭祀掌

割亨之事凡燕飲食亦如之凡掌共羞修刑膾呼辨

判骨鱠以共膳凡王之好賜肉修則饗人共之

調和熟食曰饗以所主乃王后世子在內膳羞之事故曰內饗割亨解而煮之也煎和齊以五味也體名春勝肩背之屬肉物咸嬌之屬百品庶羞之屬選者擇其中御也牛夜鳴則及常膾也羊毛長而羴結其肉必膾犬赤股而狂躁其肉必膾色毛粹也沙鳴音悲也狸者氣鬱結也豕盲而不明睫毛相交而生其肉必腥般臂臂豸有文也螻者臭如螻蛄也此六者皆不可食也脩蝦脯也刑劓美也膾大鱗無骨者也豸牛體而腥者也骨牲體也鱣乾魚也皆所以待共王之膳也

外饗掌外祭祀之制亨共其脯脩刑膾陳其鼎俎實

之牲體魚腊凡賓客之饗饗饗食之事亦如之邦饗

者老孤子則掌其割亨之事饗士庶子亦如之師役

則掌其其獻賜脯肉之事凡小喪紀陳其鼎俎而實

之

所主在外故曰外禘外祭禮謂天地山川社稷五祀言牲體而兼言魚腊以禘小祀不用牲也殯客始至之禮喪既將祭之禮者考有國老庶老孤子死王事者之祭也七庶子德王宮者師征伐役版築也王者禘於師役必有贏賜之禮獻則飲之賜則賚之也小喪紀謂夫人以下之喪有奠祭之禮

烹

人掌其鼎鑊以給水火之齊祭職內外饗之饗

烹者辨膳羞之物祭祀共大羹剛羹賓客亦如之

亭人主為內外饗煮肉者齊量也水火皆有多少之量亭人給之大羹澹汁也剛羹加以五味也

甸師掌帥其屬而耕耨王籍以時入之以共齋祭盛

祭祀共蕭茅共野果疏裸之薦喪事代王受告裁王

之同姓有辜罪則死刑焉帥其徒以薪蒸役外內饗之事

禮記曰天三推三公百耕卿大夫士七推耕于弟郊何東方小禮義

郊外曰甸甸師主籍田者師長也王籍謂借民力以治之也王以季春躬耕籍田百徒則耕耨終之蕭以祭脂茅以縮酒植生曰果蔓生曰蔬代王受青國有大變母乃祭盛不獨鬼神非享歟夫何使至于斯新王在疚欲請命神示受譴焉不可得也故甸師代行焉非謂甸師受青于已也公族有罪重者則死于甸輕者則刑于甸不就市以用漢優公族也木大曰薪小曰蒸役給役也受役于內外饗也○劉氏曰蕭香蒿合黍稷與稻既奠焚之使臭達牆屋蕭茅用以縮酒束茅立之祭前沃酒其上若神飲之○詠藉田玉輦帶輕烟名輿映綠川雨師清遠踏風伯靜遙天分渠通沃野激水繞公田草發青壇外花飛蒼玉前蒼玉陳珪璧青壇躬帝籍冒椒乃三推查衡均百辟藹場儼芝駕桂圖

古周禮

卷

三

堂策鑑

芳瑤席山禽韻簞  
弦野獸迎金石

獸人獻人  
獸人賸人

所食皆  
夫之用故

屬此

獸人掌其出獸辨其名物冬獻狼夏獻麋春秋獻獸  
物時田則守吾及弊田令禽注于虞中凡祭祀喪紀  
賓客共其死獸生獸凡獸入于腊人皮毛筋骨入于  
玉府凡田獸者掌其禁令

獸人主取獸以其用者皆謂以備而獵搏取其獸也狼青蓋故冬獻之麋膏蓋故夏獻之春秋寒溫適故獸物皆獻之爾時田獵必守吾者獸觸網而獲者取之弊也春大弊夏車弊秋羅弊冬徒弊弊則田止矣置虞于田虞之中央而令田乘輪其所獲也謂之注者如水之注于下也入于腊人將以共腊腊也入于玉府將以制器用也○柯氏曰冬成物之時狼殘物之尤者夏田稼之時麋害稼之尤者春秋書冬歲各于其害物之時吾而獻之

獸人掌以時獻為梁春獻王鮪辨獻物為龜鼈以

共王膳羞凡祭祀賓客喪紀共其魚之龜鼈凡獻者掌其政令凡獻征入于玉府

獸人主取魚以共用者時獻季冬取漁也為梁堰水為關空以取之春獻鮪月令季春薦鮪于寢廟是也征魚之鬚骨堪飾器物者謂有征稅入于玉府以當邦賦也

獸人掌取互物以時簪紳魚鼈龜蜃凡狸理物春獻

龜蜃秋獻鼈魚祭祀共麋明麻毒砥避以授醢人掌

禮記集說卷之九十一  
禮記集說卷之九十一

鼈人生取互物者互謂有甲介者籍刺于泥中以  
取埋藏之物屋大蛤也生言之時不可取故云以  
時鼈及龜魚字乳以夏而屋以夏秋故春獻鼈夏  
秋獻龜魚避其字乳之時也麀蟪蛤也贏蟪蛤也  
蝼蟻干也授之醢人使為醢也嘗籍事凡理藏泥  
中之物非網罟可致者皆籍取之也○王氏曰魯  
語宣公夏濫于四淵里革諫曰魚禁鯁頭蟲舍蚘  
蝻古之制也里革以令蟪蟪為仁此以其蝼蟻為  
禮何也蓋宣公之夏濫非其  
時也聖人取物以時而已

腊人掌乾肉凡田獸之脯腊臠脾之事凡祭祀共豆  
脯薦脯臠脾凡腊物賓客喪紀共其脯腊凡乾肉之  
事

腊人職共食物主治乾物者豆脯謂庶羞之  
脯薦脯謂薦獻之脯皆獸人所共腊人治之

醫師掌醫之政令聚毒藥以共醫事凡邦之有疾病  
者疢<sup>七</sup>瘍<sup>羊</sup>者造焉則使醫分而治之歲終則稽其  
醫事以制其食十全為上十失一次之十失二次之  
十失三次之十失四為下

醫師醫官之長毒五毒也藥五藥也醫師聚之以  
共衆醫之所用也輕曰疾重曰病頭瘡曰疢身瘡  
曰瘍造者皆就醫以求藥也分而治之者醫師使  
疾醫治疾病使瘍醫治疢瘍也論所愈以敘其功  
所以勉勵羣醫也○程伊川曰以十全為上非謂  
十人皆愈為上若十人不幸皆死則奈何但知可  
治不可治者十人  
皆中即為上耳

食醫掌和王之六食六飲六膳百羞百醬八珍之

古周禮 卷一 堂策樞

齊凡食齊

祭

眡春時羹齊眡夏時醬齊眡秋時飲齊

眡冬時凡和春多酸夏多苦秋多辛冬多鹹調以滑

甘凡會膳食之宜牛宜稌全羊宜黍豕宜稷犬宜粱

鴈宜麥魚宜苽孤凡君子之食恒放做馬

食醫主和飲食者恐飲食失節以致疾故有食醫調變王躬而使其無恙也和調和也六令謂六穀

六飲謂六清六膳謂六牲百羞謂羞用百二十品百醬謂醬用百二十齋入珍謂人物此皆膳夫所

宜食醫則調其齊為食眡春食宜溫夏羹視夏羹宜熱也醬眡秋醬宜涼也飲眡冬飲宜寒也人凡

調和飲食春玉木肝屬木故酸以養肝也夏王火心屬火故苦以養心也秋王金肺屬金故辛以養

肺也冬玉水腎屬水故鹹以養腎也土分王于四時脾屬土調以滑甘所以養脾也膳食之宜謂畜

與穀各有相宜也牛土畜稌上穀羊火畜黍火穀此二者以同氣為宜也豕土畜稷水穀此以土起

水為宜也犬金畜粱上穀此以上生金為宜也鴈火畜麥木穀此以木生火為宜也魚水畜苽水穀

此亦以同氣為宜也君子之所以自養者常做于此焉

疾醫掌養萬民之疾病四時皆有癘疾春時有瘡

首疾夏時有痒疥疾秋時有瘧寒疾冬時有嗽上氣

疾以五味五穀五藥養其病以五氣五聲五色眡其

死生兩之以九竅之變參之以九藏之動凡民之有

疾病者分而治之死終則各書其所以而人于醫師

疾醫醫師所使治民疾病者主療病而云養者言養病必須養之也四時之氣冬傷于寒春則寒動

古周禮 一卷 一五 堂策監



而轉陽故有酸劑頭痛之疾夏傷于暑秋則暑動而轉陰故有糞寒之疾夏則陽溢于皮膚故有疥疥之疾冬則陰溢于臟腑故有咳嗽之疾此四者皆四時不和之氣所致也五味鹹苦酸辛甘也五穀麻黍稷麥豆也五藥草木虫石穀也五氣五臟所出之氣心肝脾肺腎也五聲言語所出之聲宮商角徵羽也五色面貌所發之色青赤黑白黃也三者皆屬五行相生則生相剋則死故以此配之九竅謂陽竅七兩耳兩目兩鼻與口也陰竅二大小二府也兩之謂陰陽變謂陰陽之變九藏謂神藏五心肝脾肺腎也形藏四耳目口鼻也參之謂陰陽與沖氣動謂脈候之動也少者曰死老者曰終書治療不愈之疾入于醫師使得以制其食且可以為後戒也

傷臂掌腫瘍潰瘍金瘍折瘍之祝注藥劑殺之齊

凡療瘍以五毒攻之以五氣養之以五藥療之以

并味節之凡藥以酸養骨以辛養筋以鹹養脈以苦

養氣以甘養肉以滑養竅凡有瘍者受其藥焉

瘍醫醫師所使治民瘡瘍者瘍瘡癰也腫氣結而不散者潰血溢而將破者金刃傷而成瘡者折跪跌而骨折者祝以藥附著之也副去其膿血也殺去其死肌也五毒五藥之有毒者以毒攻毒發其惡也氣當為穀養之謂生之以致其和也五藥療之治其疾也五味節之不使失宜以釀疾也凡此皆治瘡之法也酸木味以酸收其骨使之強也辛金味以辛散其筋使不壅也鹹水味以鹹更其脈使之和也苦火味以苦堅其氣使之完也甘土味以甘緩其肉使不壅也竅欲通利以滑物養其竅使不凝滯也凡此皆治瘍之藥也○朱氏曰木植立地中似骨金纏合異體似筋水流行地中似脈火出入無質似氣土兼四者似肉滑滑石也凡諸滑物通利往來似竅也

此注以朱氏全引部注也

獸醫凡療獸病療獸瘍凡療獸病灌而行之以節之  
以動其氣觀其所發而養之凡療獸瘍灌而劑之以  
發其惡然後藥之養之食之凡獸之有病者有瘍者  
使療之死則計其數以進退之

獸醫主治獸者王者育物之政也疾為病瘡為瘍  
病隱而難知必灌之以藥使行又從而節止之以  
是動其氣脈觀其所發動而調養之瘍顯而可見  
必先灌而攻之劑去其膿血而發其惡然後制藥  
以療之節其馳驟以養之時其芻秣以飼之其瘍  
可愈矣計其數計其死之多寡也進退者上下其  
食使為醫者  
知所勸懲也

酒正掌酒之政令以式濃授酒材凡為公酒者亦如

凡外內饗之膳羞鑑焉凡酒漿之酒醴亦如之祭  
其冰鑑賓客共冰大喪共夷槃冰夏頒冰掌事秋刷

冰室曰凌凌人主藏冰者蓋調燮之一事也三其  
凌倍藏之以備消釋也鑑盛冰之器置食物于中  
以禦溫氣也膳羞用冰恐氣溫而臭惡也酒醴用  
冰恐氣溫而味變也祭祀共鑑禦暑氣也賓客共  
冰不用鑑也尸之槃曰夷槃實冰槃中賓之牀下  
以寒尸也夏頒冰暑甚以冰賜群臣則凌人主其  
事也秋刷者秋涼冰不用  
則刷除冰室以待新冰也

邊人掌肆邊之實朝事之邊其實粢豐蕡文白黑形

鹽臚鮑魚鱸饋食之邊其實棗栗桃乾老榛實

加邊之實菱芡耳棗脯菱芡耳脯羞邊之實糗耳餌粉

古周禮 一卷 五九 堂策監

中廿七多子  
吃

以赤二十子酒石一次中甚尺  
少二三子小脫逸



為餅也糝食以肉與米合為餅而煎之也內羞房中之羞豆也五齊之齊當為壘五齊謂昌本胛析屬豚拍深蒲也七醢謂醢麋鹿魚兔鴈也七菹謂韭菁苴葵芹箔筍也三鸞謂麋鹿麋也

醢人掌其五齊七菹凡醢物以共祭祀之齊菹凡醢醬之物賓客亦如之王舉則共齊菹醢物六十齏共后及世子之醬齊菹賓客之禮共醢五十齏凡事共醢

醢人主共醢者醢醋也齊菹有須醬而成者之須醢而成者凡醢物是以醢所成之物凡醢醬之物是以醢所成之醬也

鹽人掌鹽之政令以共百事之鹽祭祀共其苦古鹽

散鹽賓客共其形鹽散鹽王之膳羞共飴鹽后及

子亦如之凡齊事齊鹽古以待戕令

鹽人主共鹽者齊事和五味之事煮鹽燂治之以待上戒令鹽謂鹽之未煉治者鹽則化之以水鍊之以火用以和五味之齊也○柯氏曰鹽之所產不同有刮于地而得者其味苦謂之苦鹽有熬其皮而出者其鹽散謂之散鹽有風其水而成者其味甘甜謂之飴鹽有積于鹵而結者其形似虎謂之形鹽祭祀則其苦鹽取其成于自然與玄酒明水不異也賓客則其形鹽取其如虎之形示服猛也然皆以散鹽者取其治洽四海能致遠物以奉先祖懷諸侯也王及后世子膳羞皆共飴鹽者取其甘甜可食也

冪見人掌其巾冪祭祀以疏布巾冪八尊以畫布巾

巾冪以覆  
飲食故次

張其後

冪六鼻凡王巾皆黼

冪人主共巾冪者以巾覆物曰冪○訓雋云入尊以祭天地覆以疏布巾者尚質也六鼻以祀宗廟覆以畫布巾者尚文也王所用巾繪以斧形而白黑半之離華不至于侈靡也後王之奉金玉文繡無所不至而龍鬚火浣進矣

宮人掌王之六寢之脩為其井匱宴除其不蠲去其

惡臭其王之沐浴凡寢中之事掃除執燭共鑪炭凡勞事四方舍事亦如之

宮人主王寢者所以安息王躬也六寢路寢一以治事小寢五以燕休井以停水防火燭也匱以室渠備洒掃也蠲潔也欲除不潔去惡臭則決匱以條之也沐以潔首浴以潔身掃除以致潔執燭以

為明鑪炭所以備熏煬也勞事謂勞襲之事四方之舍事王巡幸必有所舍之處其之亦如寢中也

掌舍掌王之會同之舍設牲牲桓互再重設車宮轅

門為壇壝什宮棘門為帷宮設旌門無官則共人門

凡舍事則掌之

掌舍門  
門也言在  
小為人所  
捫摸也文  
說文曰門  
從二月象  
形也

掌舍主王舍者會同之舍時見殿見王至壇所舍息也牲桓行馬也以周衛有內外之別故兩重設之設車為宮則仰轅為門為壇于中而遺其外則列戟以表門王在道食息張帷為宮則植旗以表門王不在車宮之中則陳列周衛而列人以表門○何氏曰會同之舍王巡狩則會諸侯于方岳之下王不巡狩則會諸侯于方明之壇所至不可以無舍也王宿險阻則列車為宮而以轅表門王宿平陸則築壇壝土為宮而以戟為門王之誓息則張帷為宮而植旌表門王行所止無官則陳列兵

古月禮

一卷

三

堂策禮

衛立長人  
以表門

幕人掌帷幕帷布

亦綬之事

凡朝觀會同軍旅田

後祭祀共其帷幕帷布綬

大喪共其帷幕帷布綬

三公

及卿大夫之喪共其布

幕人主帷幕者在旁曰帷

在土曰幕皆布為之

合象宮室曰帷坐上承塵曰布

皆以綬連繫焉綬絲也

大喪則張帷于堂

于庭布在柩上亦以綬繫之也

公卿大夫之喪應

有布故共之士無布王有惠

賜之禮引曰君子士有賜布

掌次掌王之次之灋以待張事

主大旅上帝則張氈案

設皇邸朝日祀五帝則張大次小次

設重布重案會

諸侯亦如之師出則張幕設重布重案

諸侯朝觀會

同則張大次小次師田則張幕設案

孤卿有邦事則

張幕設案凡喪王則張布三重

諸侯再重孤卿大夫  
不重凡祭祀張其旅幕張尸次射則張耦次掌凡邦  
之張事

掌次主王次者居曰舍止曰次掌次灋設王者之  
次幕皆有法度謂大小丈尺也待張事幕人共之  
上着氈也皇邸以版為屏而飾以鳳羽也朝日于  
東門祀五帝謂四時迎氣于四郊也次次舍也大  
案案上設重席也師田謂王臨視則張幕于地而  
設布案于上以為王之依也諸侯來朝觀會同則

張次以待諸侯之止息至諸侯從王師田則亦張  
設以待諸侯有依據也孤卿有邦事以王命出使  
也張幕于庭以籍幣設案為位王立于前而授之  
命焉旅衆也以待諸臣助祭者之休息也尸尊故  
別張次射兩人為一耦張  
矣以待當射耦之人也

充非人  
君身之  
充知天府  
之守器  
慶之分器

大 秦 府 掌 九 貢 九 賦 九 功 之 貳 以 受 其 貨 賄 之 入 頒  
其 貨 于 受 藏 之 府 頒 其 賄 于 受 用 之 府 凡 官 府 都 鄙  
之 吏 及 執 事 者 受 財 用 焉 凡 頒 財 以 式 澆 授 之 關 市  
之 賦 以 待 王 之 膳 服 邦 中 之 賦 以 待 賓 客 四 郊 之 賦  
以 待 稍 秣 家 稍 之 賦 以 待 匪 頒 邦 甸 之 賦 以 待 工 事  
邦 縣 之 賦 以 待 幣 帛 邦 都 之 賦 以 待 祭 祀 山 澤 之 賦

以 待 喪 紀 幣 餘 之 賦 以 待 賜 予 凡 邦 國 之 貢 以 待 事  
用 凡 萬 民 之 貢 以 充 府 庫 凡 式 貢 之 餘 財 以 其 玩 好  
之 用 凡 邦 之 賦 用 取 具 焉 歲 終 則 以 貨 賄 之 入 出 會  
之

大府為王治藏官之長九功即九職也大宰掌之  
而此掌其貳者以其物入大府故也受藏內府也  
受用外府也蓋大府雖受金玉布帛之入其物仍  
分置于眾府也官府謂六官都鄙謂承地執事謂  
府史胥徒皆于大府受其財用焉如某物頒某官  
某用頒某所也式謂用財之式澆謂治財之澆關  
市以下即大宰之九賦膳服以下即大宰之九式  
也以餘財其玩好明非所急也賦用取具謂以賦  
之所入為用俱取足于大府也歲  
終則會利雖散主而政本實一也

王府掌王之金玉玩好兵器。凡良貨賄之藏。共王之服。玉佩玉珠玉。王齊則共食玉。大喪共含玉。復衣裳。角枕角衾。四掌王之燕衣服。衽席牀第。至凡襲器若合諸侯。則共珠盤玉敦。對凡王之獻金玉兵器。文織及貨賄之物。受而藏之。凡王之好賜。共其貨賄。

王之御府主藏金玉器物者私錢不歸之宦。豎省闈之中而屬之大宰也。兵如兇戈和弓之類。器如赤刀天球之類。服玉大圭也。佩玉珩璜也。珠玉琢玉為珠也。食玉以玉為屑齊則食之。養至陽之氣也。舍玉為死者口實也。復升屋以招魂也。角枕以枕尸。角衾以槨齒。柩七也。燕衣服燕私所服。衽臥席也。席坐席也。牀第簣也。合諸侯盟會也。珠盤以珠飾盤。所以盛牛耳玉敦以玉為敦。所以盛血皆盟會所用也。王之獻謂有賓客所獻文織。謂帛之有文出于織成者。受而藏之以待用也。好賜以私恩頒賜玉。府則共其用也。

內府掌受九貢九賦九功之貨賄。良兵良器。以待邦之大用。凡四方之幣獻之金玉齒革兵器。凡良貨賄入焉。凡適四方使者。共其所受之物。而奉之。凡王及冢宰之好賜予。則共之。

內府在貨賄藏。在內者貨賄即天府所頒者。良兵器即王府所受者。此非有國之經用。故以待大事也。幣謂諸侯贊禮獻。謂諸侯貢物。金若懷金三品之類。玉若珠琳琅玕之類。象有齒犀兕有革。皆入于內府焉。使者王遣使至諸侯之國。物即使者所受之。以賜遺諸侯者。內府共奉之。冢宰待四方之



賓客之小治或有小善亦賜  
予之蓋體國之好非私好也

外府掌邦布之入出以共百物而待邦之用凡有灋  
者共王及后世子之衣服之用凡祭祀賓客喪紀會  
同軍旅共其財用之幣齋賜予之財用凡邦之小  
用皆受焉歲終則會唯王及后之服不會

周之分府  
若漢司農  
以入軍國  
大田周之  
內府玉府  
若漢少府  
以入王之  
私藏天府  
即棧棧之  
無大府  
藏財賦

外府士泉貨之在外者布泉也布取宣布之意泉  
取流行之意其實一而已入出謂受之復出也百  
物布帛絲枲之類以其百物者百物或作之或買  
之皆以邦布致之也待猶給也邦用謂經費有灋  
者則給之無灋者不可給也共王后世子之衣服  
見非灋弗服也祭祀吉禮賓客會同賓禮喪紀凶  
禮軍旅軍禮五者所用亦皆有灋也幣謂禮幣齋  
謂行齋賜予即王及冢宰之賜予也邦之小用有  
灋者皆受而灋之惟王及后不  
會見世子之衣服亦在所會矣

司會掌邦之六典八灋八則之貳以逆邦國都鄙官  
府之治以九貢之灋致邦國之財用以九賦之灋令  
田野之財用以九功之灋令民職之財用以九式之  
灋均節邦之財用掌國之官府郊野縣都之百物財  
用凡在書契版圖者之貳以逆羣吏之治而聽其會  
計以參互攷日成以月要攷日成以歲令攷歲成以  
周知四國之治以詔王及冢宰廢置

司會主財  
蓋必通于  
冢宰之治  
不害國體  
與後世事  
事冢宰不  
同  
諸官府十  
日所蓋之  
車有數總  
其數而計  
之有日總  
十日之數  
而結之有  
凡

會計也司會主天下之大計者六典八灋八則之  
貳已掌于小宰而司會亦掌之者蓋其職在會計  
古周禮 一 卷 三六 堂策檻

司會主金  
考司書主  
記籍

故逆受而鉤考之所以計其治也九貢九賦九功  
取財之常灋也九式用財之常灋也均節者因其  
所出以其其所用均平有節也百物財用皆有書  
契版圖紀載為書合驗為契人民曰版土地曰圖  
司會欲知財用出入之數故掌其書契之貳欲知  
夫家山林川澤所入之財數故掌其版圖之貳以  
迎辟吏之治而後聽其會計也以凡考目以日考  
數謂之參凡與數相考數實目相考謂之互日成  
即旬計也月成事多干日成故以月要考之歲成  
事多干月成故以歲會考之如此則四方諸侯之  
治其勤怠無不徧知以告于王及冢宰  
有功者升而置之有罪者黜而廢之也

司書掌邦之六典八灋八則九職九正九事邦中之  
版土地之圖以周知出入百物以敘其財受其幣使  
入于職幣凡上之用財用必攷于司會三歲則大計

宰吏之治以知民之財器械之數以知田野夫家六  
畜之數以知山林川澤之數以逆宰吏之徵令凡稅

斂掌事者受灋焉及事成則入要貳焉凡邦治攷焉

司書主會計之簿書者正與征同謂九賦之征也  
事謂九職之事邦中之版以攷民數土地之圖以  
考邦數參考則在司會司書但掌其書而已出入  
入而藏州而用也餘財知餘財受幣知餘幣職幣  
主餘財者故以其餘入于職幣使振舉之攷于司  
會司書錄用財之數以符司會之勾考防侈用也  
大計者日有成月有要歲有會三歲又總而計之  
也上有所召曰徵下有所稟曰令恐羣吏橫取于  
民故逆受而勾考之稅斂之灋藏于司書掌稅斂  
之事者從而受焉要貳者物數之要要書之貳也  
事成則入于司書  
所以備參考也

古周禮 卷一 三十七 堂策鑑

職內掌邦之賦入辨其財用之物而執其總以貳官  
府都鄙之財入之數以逆邦國之賦用凡受財者受  
其貳令而書之及會以逆職歲與官府財用之出而  
敘其財用以待邦之移用

職主也職內主邦賦之入者官府都鄙各有財入  
總數職內則書其貳而賦用多少皆可勾攷其得  
夫也受財受于職內以給公用者職內則受其副  
寫之令而書以錄之至歲終則會以官府財用之  
數與職內出財之數相參而勾攷之一比及之而  
用度之餘可知也核那移也移此之有餘補彼之  
不足也

職歲掌邦之賦出以貳官府都鄙之財出賜之數以  
待會計而攷之凡官府都鄙羣吏之出財用受式灋  
于職歲凡上之賜予以敘與職幣授之及會以式灋

贊逆會

職歲主歲計之出者敘者先後之倫幣餘之賦以  
待賜予職幣所掌也故職歲以其敘與職幣授之  
贊逆會贊助司會  
勾考會計之事

職幣掌式灋以敘官府都鄙與凡用邦財者之幣振  
掌事者之餘財皆辨其物而奠其錄以書楬之以詔  
上之小用賜予歲終則會其出凡邦之會事以式灋  
贊之

以表其

司裘掌為大裘以共王祀天之服中秋獻良裘王乃

職幣主財賦之餘者即所謂幣餘之賦以共王之  
小用錫予者也凡用邦財者謂軍旅也幣給公用  
之餘也官府都鄙軍旅給用之餘幣則依灋式而  
收斂之振整也舉也有檢舉之意諸掌事者足用  
而有餘則職幣檢舉之以防欺濫也奠定也別其  
物色而定其錫籍又善其目以表識之王有小費  
用及賜予則取給于此會其出者防濫用也會事  
會計則用之申職幣以式灋贊助司會而勾考不  
以餘財而不謹也○何氏曰奢侈常生于有餘節  
儉常生于不足漢武帝因買朽粟陳而用度無藝  
唐玄宗因左藏克溢而賞賜無檢成周所以覺察  
餘賦如是之嚴正恐人君以有餘而妄用也○黃  
氏曰周公設官理財居半賜以之數驗之以書其  
會之要成證之以貳會考之以參互制之有式  
辨之有類執之有總小數之則垂大數之則  
會職歲所敘職幣所振雖餘財然猶加肅焉

心御者女  
八十九而  
御于王謂  
九人當  
夕也

謂治閭寺之法禁人民宮伯所掌士庶子居之  
之宿衛也陰禮婦人之禮謂內則壺範也王后立  
六宮正寢一燕寢五故曰六宮婦職織紉紉也  
教以陰禮使知女德也教以婦職使知女功也使  
各有屬者九御屬于九嬪九嬪統于一后也二事  
絲泉也正其服絕其靡麗也禁其表屏其蠱媚也  
展功緒核其勤怠也宗廟之祭王既裸而出迎牲  
后乃從後裸也王荐新荐熟后亦從後獻也贊助  
也尸宰食王既醕後后亞獻之其爵以瑤玉為節  
亦內宰贊助其禮服謂禕衣以下六服位謂房中  
戶內及阼所立之處禮樂之儀出入進止之節與  
樂相應也王禮賓而后亞裸王獻賓而后亞獻王  
酬賓而后以瑤爵酬賓皆九嬪贊后內宰又助九  
嬪以行禮也賓客王同姓及二王之後來朝者酒  
人共之而內宰贊之也內命婦九嬪世婦也外命  
婦公卿大夫妻也正其服位喪禮中之服位也佐  
后立市王立朝而后立市設其次司市所居置其  
敘胥師賈師等所居正其肆百貨所藏陳其貨賄

古周禮

一卷

聖

堂策繼

賄物所陳列度謂丈尺量謂斗斛淳謂幅之廣制謂匹之長祭之以陰禮立社于市皆內宰佐之也仲春始蠶之時北郊正陰之位以親蠶而為祭服敬之至也稍食嬪御之廩給功車絲枲之功車內宰佐后而受女御所獻絲枲之功布帛縷小則良縷大則粗良則賞粗則罰也會內宮計夫人以下所用財北宮后宮也表懸禁令于北宮而糾宿衛之急慢者上春建寅之月先種後熟曰種後種先熟曰種春事將殷之時助王親畊也○柯氏曰至矣哉王立朝后立市之意乎古者后不預政非無政后不主禮非無禮也立市者后之政乎陰禮者后之禮乎朝之政主乎義王與公卿大夫平章天下者也市者商賈販夫交易之處主乎利后令內宰立之者也夫市以通貨賄濟民用不可闕也先王不立于前而置于後政不出于王而出于后此見聖人先義而後利賤貨而貴德之意也且止其禮曰君過市則刑人赦謂已侵利則無以令乎人也至于夫人世子命夫命婦過市有罰者以身為

內小臣掌王后之命正其服位后出入則前驅若有祭祀賓客喪紀則擯詔后之禮事相九嬪之禮事正內人之禮事徹后之俎后有好事于四方則使往有

荒于八

君子當論道義而不當見財利也其賤之也至矣然必使后立之祭之者亦以陰能成陽利能和義別也觀之曾孟之所傳授拳拳于先義後利之戒其亦得于聖王之禮乎○朝市詩雲闌綺霞生旌亭麗日明塵飛三市路蓋入九重城竹葉當盈滿桃花帶綬輕惟見爭名利安知大隱情○頌親蠶登崇壇以正位觀休氣于朝陽步朝輦以下降采六條于公桑嬪妾肅以蒞事各奉職而承筐供副禕之六服明孝敬于蒸嘗盛華禮于中宁神化馳

好令于卿大夫則亦如之。掌王之陰事陰令。

內小臣乃后之小臣以奄人為之命謂使令所為以其掌后之命故后出入則前驅而往也祭祀賓客喪紀王后與焉而九嬪內人從之有禮必有事攬者替其禮節若執事介攬也或詔告之或相助之或整齊之因其尊卑而異也徹后之俎后于祭祀投俎于房既事則徹去之好事恩好之事以物而問遺之者好令謂恩好之令以言而弔慰之者后親族有為四方諸侯者有為王朝卿大夫者則皆使小臣往將之陰事謂群妃進御之事陰令謂詔告北宮之令○柯氏曰周禮其餘奄皆不命也惟內小臣則有奄上士四人而已其他未有以爵稱者夫宦官之位天象所有指其居次則或在帷簿之內論其職掌則或出牀第之言固不可以謂辱後又渾濁男子其用奄人是乃制事之宜矣然古人之奄者皆是有罪刑人先王不枉其材而用之其間有謹信端厚可受爵者四人以掌王后命

令正所位而已矣如後世所謂著青紫者于無故而自刑者也夫極治之世無他人主親近小人正上不使刑人在側而已是以成周盛時內小臣閣寺之屬悉統于冢宰其職卑其數寡人主不得以私意昵內臣不得以非道干故侍御僕從間非正人必先王治內之嚴也周衰春秋勃貂立公子無虧則奄人與廢立矣繆賢薦舍人隨相如則奄人與薦舉矣恃勢怙寵漢唐之間尚忍言哉

閣人掌守王宮之中門之禁喪服凶器不入宮潛服賊器不入宮命服怪民不入宮凡內人公器賓客無帥則幾其出入以時啓閉凡外內命夫命婦出入則為之闢掌埽門庭大祭祀喪紀之事設門燎躡宮門廟門凡賓客亦如之

刑人墨者使守門  
喪服如塗車芻水解  
服如裘甲  
懷刀者是

燈地燭也  
曹疏燭在  
地曰燈天  
千百公五  
十餘倍于  
夏曆三十

閣人主宮門之啓門者每門四人中門謂雉門也  
喪服凶器為其不祥也潛服賊器慮其不軌也奇  
服怪民恐其惑眾也內人謂宮中之人公器謂公  
家之器賓客謂列國朝聘之臣出入而無帥導之  
者必譏祭之所以防閑之也晨昏啓閉防不虞也  
丙命大夫大夫之在宮中者出入而闕除左右行  
人使之避貴者也執掃除致潔也  
設門燈致明也蹕宮廟門致肅也

寺人掌王之內人及女宮之戒令相道其出入之事  
而糾之若有喪紀賓客祭祀之事則率女宮而致于  
有司佐世婦治禮事掌內人之禁令凡內人躬臨于  
外則帥而往立于前而詔相之

寺人寺之言侍也內人女御也女宮刑女之在宮  
中者相為之右也道為之先也糾察其違戒令者  
有司即宮卿內宰之官佐世婦治禮事世婦所掌  
之禮寺人佐以治之也內人有宗姻之喪而行于  
臨之禮往立而詔相  
必不以賤而廢禮也

內豎樹掌內外之通令凡小事若有祭祀賓客喪紀  
之事則為內人蹕王后之喪遷于宮中則前蹕及葬  
執藝器以從遣車

豎童豎也內豎蓋奄之小者內后六宮也外卿大  
夫也童子用人便疾故使之通命令于小事也喪  
而遷者將葬而朝于廟也藝器謂灑沐之器遣車  
載祖奠之具隨柩而行者也○成周盛時內小臣  
闕人寺人之屬悉統于冢宰西漢之制稍猶近古  
三公總九卿而少府之官凡內臣皆屬焉倭幸如  
鄧通一有細過申屠嘉得召而斬之況當時內臣  
亦參選明經之士咸拜議郎更宿王宮以備顧問

如楊雄之位執戟孔安國之掌唾壺是也東漢則不然議郎不在宿直人主無由親近明經之士中常侍盡宦者為之卒至群奄用事孫程始得以專廢立之權董卓橫行以成敗國之謀原其所自蓋東漢三公權虛位無復西漢統領九卿之職而宦者專權非三公所能制也

九嬪掌婦學之禮以教九御婦德婦言婦容婦功各率其屬而以時御敘于王所凡祭祀贊玉盥贊后薦徹邊豆若有賓客則從后大喪帥敘哭者亦如之

嬪婦也九嬪女職也德謂貞順言謂辭令容謂婉婉功謂絲枲敘次也其進御有次敘也玉盥盛黍稷之器以王為之從后贊禮事也○王后正六宮二夫人九嬪二十七世婦八十一御妻不列夫人士此官者夫人之于后猶三公之于王無官職也

齊作

世婦掌祭祀賓客喪紀之事帥女宮而濯概為盥盛及祭之日滌陳女宮之具凡內羞之物掌弔臨于卿大夫之喪

世婦后宮官即所謂二十七世婦也濯概洗祭器也為猶滌也女宮刑女給役宮中者其謂祭祀之具即所謂濯概及盥盛滌臨視也內羞房中之羞也卿大夫之喪王后之姻親也臨弔舊注但遣使致禮然觀女御日從則身至矣

女御掌敘御于王之燕寢以歲時獻功事凡祭祀贊世婦大喪掌沐浴后之喪持筭歆從世婦而弔臨于卿大夫之喪

幸以大為之畫畫者謂之雲雲畫者謂



之黼髮持  
之者夾

女御即入十一御妻也御猶進也侍也敘御以九  
九而敘進也歲時獻功歲終而獻絲枲之功事也  
祭祀之禮世婦詔后而女御又助世婦  
故曰贊沐以潔首浴以潔身髮棺飾也

女祝掌王后之內祭祀凡內禱祠之事掌以時招禋

禴禘禘禘之事以除疾殃

女祝宮女曉祈祝者內祭祀于門戶竈王后所當  
祭者也祈禱曰禱報禱曰祠招以召祥禋以禦厲  
禴以會福禘以禳禍四者皆所以除  
疾殃也氣不行為疾禍適至為殃

女史掌王后之禮職掌內治之貳以詔后治內政逆

內宮書內令凡后之事以禮從

女史官女曉文書者禮職后于禮事所當職者內  
治之貳內宰治王內之政令女史則書其副也王

后治內政則女史詔之逆內宮于后宮之事有所  
逆而治正之書內令于后宮之令有所書而宣布  
之以禮從者后所為皆以禮籍從也猶太史之于  
王也○何氏曰成周一代后妃多賢是皆獨御傳  
保姆之助哉蓋其嬪御祝史亦皆窈窕之淑女掌  
其教贊其禮詔其級匡其過相與輔導警戒以成  
其德子孫世有哲王不亦宜乎漢唐以來或以倖  
囚之女克后宮或以娼優之賤備妃嬪上不知教  
下不知學令德無聞有由然矣若唐山夫人房中  
之歌藹然雅頌之旨才人徐惠直諫之疏稟乎姜  
后之風其庶幾  
成周之家法乎

典婦功掌婦式之灋以授嬪婦及內人女功之事齋

凡授嬪婦功及秋獻功辨其苦良比庇其小大而賈

之物書而揭之以共王及后之用頌之于內府

典主也。主婦人絲枲功官之長也。婦式謂婦事之模範。嬪婦外嬪婦也。內人女御也。女功絲枲之功也。授事授其所為女功之事。謂責以織紵之事。授齋授其所為女功之齋。謂給以絲枲之物。或曰齋費也。授當為受。嬪婦所為之功。至秋物成之候。獻之于后。辨其美惡而定價焉。布帛織作精而縷小則良。織作麤而縷大則苦。良者賈貴。苦者賈賤。物書其價以揭之。示毋混也。取其良者以待貴者之用。藏之內府以爲大用之需。

受其輕者  
之功以給  
者少用

典絲掌絲入而辨其物。以其賈揭之。掌其藏與其出。以待興功之時。頒絲與外內工。皆以物授之。凡上之賜予亦如之。及獻功則受良功而藏之。辨其物而書其數。以待有司之政令。上之賜予。凡祭祀其黼畫組

就之物。喪紀共其絲。績組文之物。凡節邦器者受文

織絲組焉。歲終則各以其物會之。

之功則  
既歸以  
之。與與  
者受其  
宜作良  
者為長

典絲主婦功治絲事者。絲所以成。練帛制文。績也。絲入謂九織。嬪婦所貢之絲。因而辨其物之美惡。又以所直之價揭而示之。藏以待用。出以移用。外工外嬪婦也。內工女御也。當興功之時。則各頒以物授之者。絲帛授以素。絲文績授以采。絲也。有司之政令。謂禮物法物之正也。賜予謂以絲而頒。賜也。祭服用絲者。莫急于冕服。黼畫其服。組就其冕也。喪紀之需用絲。以爲線。績用績。以克衣。禭用組。文以爲服之飾也。邦器茵席屏風之屬。文織絲。組所以飾之。受之于典絲也。會者計其所用也。

典枲。掌布總績紵之麻草之物。以待時頒功而授

齋及獻功。受苦功。以其賈揭而藏之。以待時頒。頒衣

服授之。賜予亦如之。歲終則各以其物會之。

典象主婦功治象事者總紵皆布名紵則紵也。纁綾屬麻。謂象其也。草葛屬布。總縷用麻。紵用葛。受苦功者待喪紀之用也。其良功入于典。婦功以待王及后之用。頒衣服授之。當頒衣服之時。各以其物長之也。

內司服掌王后之六服。禕衣。揄搖狄。闕狄。鞠衣。展衣。

緣象衣。素沙。辨外內命婦之服。鞠衣。展衣。緣衣。素沙。

凡祭祀賓客共后之衣服。及九嬪世婦。凡命婦共

其衣服。若喪衰亦如之。后之喪。共其衣服。凡內具之

物。

鄭本作輸。獲禮記同。何不作為。以書難故。為以焉。故焉。本作為。

內司服。宮中裁縫之長。亦奄人為之。禕與鞞同。但浴而南。有雉素質。而五色皆備。成章者曰鞞。王后之服。刻繒以為形。而彩畫之。綴其衣。以為文章。畫禕者。其色玄。狄與翟同。江准而南。有雉青質。而五色皆備。成章者曰鞞。畫揄者。其色青。闕狄。刻而不畫。其色赤。三者皆祭服也。鞠衣。色象桑葉。始生。告桑之服也。其色黃。展衣。以禮見王及賓客之服也。其色白。緣衣。御于王之服。亦以宴居。其色黑。素沙。今之白。繡也。此即后之六服。皆以素沙為裏。內命婦。九嬪。服鞠衣。世婦。服展衣。女御。服緣衣。外命婦。孤之妻。服鞠衣。卿大夫之妻。服展衣。士之妻。服緣衣。喪衰之等。為王服。斬衰。為后服。齊衰。后喪。共其衣服。謂襲衣。十二稱。小斂。十九稱。大斂。百二十稱也。內具。謂生時所用。如粉悅線。纁鞞。裘之屬是也。

縫人掌王宮之縫線之事。以役女御。以縫王及后之

衣服。喪縫棺飾焉。衣。嬰柳之材。掌凡內之縫事。

縫人主裁衣者縫線掌裁縫及所用之線為女御所役使者蓋女御掌造王及后之衣服縫人則為之役也棺飾謂帷布之類髮所以飾棺其形如扇以柳木為之纏以絲縞以為飾也凡內縫事謂夫及嬪婦之縫事也○按喪縫棺飾焉鄭氏曰孝子既居見棺猶猶死親之身既裁飾而行遂以葬若存製大夫四妻漢禮器禮器度飾棺天子龍火黼黻皆五列又有龍嬰二其載皆加璧

染人掌染絲帛凡染春暴練夏纁玄秋染夏冬獻功掌凡染事

染人主染事者染絲者染而後織也染帛者織而後染也春陽燥達故暴晒其練夏者潤易于和釋故染纁玄而為祭服夏翟至秋五色皆備備染者擬以為度度秋氣深可以染五色至冬功成並獻之于

追也王師掌王后之首服為副編次追衡箒為九嬪

及外內命婦之首服以待祭祀賓客喪紀共并經亦如之

追師主治玉石之官治玉曰追副所以副首為之飾編列髮為之次次第髮長短為之追治也王后之衡則雜持冠而平之也并則卷髮而飾之役平也九嬪命婦之首服未鞠衣展衣者服編衣緣衣者服次以待祭祀賓客以待王后佐王祭祀賓客之時則服以執事也并經箒而加經也

屨人掌王及后之服屨為赤舄黑舄赤纁黃纁青

者之飾即詩所謂副并六也編猶云假扮大即也所為也地師掌以玉為之飾而于副之兩旁并則兼者

以拘于足

句。物素屨。葛屨。辨外內命。夫命婦之命屨。功屨。散屨。

凡四時之祭祀以宜服之。

屨人主為屨者吉凶之服各有屨者屨必隨其服之色。禮下曰。鳥赤。鳥者天子六冕。后闕。狄之鳥也。黑。鳥天子玄端。服之赤纁。黃纁以赤黃之絲為下。綠也。句當作紉。以青絲節屨頭之鼻也。禪下曰。屨素屨有凶。去飾用之。夏月以葛為屨。冬則以皮為之。命夫之屨。纁屨也。命婦之屨。黃屨也。功屨。冬之皮屨。散屨。無紉。喪屨也。宜服四時祭祀各有所宜。夏則用葛。冬則用皮。○賈子曰。天子黑方屨。諸侯素方屨。大夫素圓屨。晉令屨曰。士卒百工屨。色無過綠。青白。奴婢屨。色無過純。青古。繪賣者一足者。白屨一足者。黑屨。鹽鐵論曰。古者庶人。麕。扉。草屨。富者常杏絲屨。差平屨。所以借人。于出入者也。世風不古。僕隸下人。表以文綦。綴以朱纁。矣。安得盛周之法。屨而繩之。

夏采掌大喪。以冕服復于太廟。以乘車建綏。復于四

郊。

夏采掌大喪之復。夏采五色翟羽也。掌復之官。謂之夏采者。所以幸其生也。復謂始死招魂復魂也。古者人死。則使人以其上服升屋。復危北面而號。曰。皋某復。遂以其衣三招之。乃下以覆尸。冀其復生也。于祖于四郊。以所乘之車。綏。奠神。魂識之也。綏以旄牛尾為之。綴于幢上。象太常也。○綏作綏。

